

Plan Parke Marino mester cambio pa ta efectivo



Pagina 4

- Dentista sin permiso trahando na Aruba

Pagina 3

- Moratorio riba supermercado prolonga cu dos aña

Pagina 2

- Gobierno ta conseha pa no bay Venezuela

Pagina 31

Entrega di preservativo na domicilio bon acepta



Pagina 31



Pagina 20

Inauguracion di Rancho Bello Amanecer

Festival di Tumba 2019 dedica na Rolindo Dortalina y Ronwayne Kock

ORANJESTAD – Den radio local a keda anuncia ayera nochi cu e Festival di Tumba 2019 lo ta dedica na dos persona, esta Rolindo Dortalina y Ronwayne Kock. Comision organisado di e festival a scoge Dortalina kende ta ex Rey di Tumba y e aña aki ta retira, mientras cu den caso di Kock, el a ser scogi pa merito di su dedicacion, constancia y resultado exitoso den e genero musical aki. Festival di Tumba ta tuma luga diasabra proximo 2 di februari na Carnival Harbour Arena.

Poster di Guaidó riba muraya di Consulado di Venezuela ta ‘vandalismo’



ORANJESTAD – Un potret cu a causa hopi reaccion na Aruba tin di haber cu un poster di presidente di Asamblea Nacional, Juan Guaidó, poni riba muraya di Consulado di Venezuela na Aruba.

E hecho aki, cu consulado di Venezuela na Aruba a considera un acto di ‘vandalismo’, a crea e impresion cu nan a bay den e mesun direccion cu e consul di primera di Venezuela na Miami, Carla Angola Rodriguez, kende a declara cu e ta reconoce como

presidente encarga e ciudadano diputado Juan Guaidó.

E potret aki a wordo divulga via rednan social, caminda riba un leyenda ta wordo bisa entre otro cu ora a yega pa tur representacion of mision diplomatico di Venezuela y delegado militar por asumi e lucha pa e libertad.

Ayera, Bon Dia Aruba a tuma contacto cu consulado di Venezuela na Aruba, kende a desmenti e tweet cu Falconoticias a divulga tocante e potret poni riba muraya di

e fachada di nan sede diplomatico. Consul di primera, Amabel Lugo, a declara na e matutino aki cu e potret en cuestion tabata un acto di vandalismo.

Ademas, cu e mision diplomatico di Venezuela na Aruba ta reconoce e ciudadano Nicolas Maduro como nan presidente. Tambe, nan ta informa na e comunidad Venezolano na Aruba cu nan oficina ta habri, y nan ta sigui funciona den nan orario normal di 9or di mainta pa 2or atardi, for di dialuna pa diabierna.

Moratorio riba supermercado prolonga cu dos año mas

ORANJESTAD – E moratorio riba supermercado cu a wordo tuma na dia 23 di mei 2017, a wordo extende cu dos año mas. Kiermen cu pa dos año largo, no lo bay honra peticionnan pa establece mas supermercado na pais Aruba.

E decision aki, pa no duna permiso pa mas supermercado por habri, a wordo tuma despues cu minister di finansa y asunto economico, Xiomara Ruiz-Maduro, a haya e resultado di un inves-

tigacion. Actualmente tin 187 supermercado na pais Aruba y e concentracion mas grandi ta na Oranjestad.

E mandatario a declara cu a base di e encuesta virtual haci, a sali informacion cu ta hustifica pa gobierno tuma den consideracion pa prolonga e moratorio pa supermercado.

Ta asina cu departamento economico a haci un investigacion riba e aspecto di e moratorio aki, y su necesidad, durante fin di año pasa via Facebook. Un parti di e

metodologia di e investigacion aki tin di haber cu e parti di sentimento di esunnan encuesta.

E rapport a keda entrega na inicio di e año aki, caminda un 94% di esunnan cu a participa di e encuesta of investigacion aki a indica cu nan no kier mira mas supermercado. Tambe a haci investigacion den e barionan, pa descubri con e presencia of concentracion di supermercadonan ta den e bario.



Aruba ta conserva su autonomia riba protocol di RST y Kmar



ORANJESTAD – Minister di husticia, Andin Bikker a declara cu den cuadro di e celebracion di e JVO cu a tuma luga siman pasa, a wordo poni den e firma di e dos protocol di RST (Recherche Samenwerking Team) y KMar protocol – cual ta un protocol referente cooperacion cu Koninklijke Marechaussee – Aruba ta conserva su autonomia den caso cu un dia lo desea di cancela e protocol aki.

A base di e protocol firma, pais Aruba lo sigui traha cu RST, sin bay den otro dimension cu no ta aplicabel pa nos pais. No ta cuestion cu RST por bin Aruba pa haci nan investigacion sin cu niun hende sa na Aruba. Asina e mandatario a aclaria, a base di pregunta formula pa Bon Dia Aruba.

E mandatario di husticia a bisa cu cada persona di RST –a base di un decreto di su persona como titular di e

cartera di husticia– por haya autoridad riba pais Aruba, pa nan por haci investigacion. Pero esaki mester sosode bou guia di procurador general y Alto Comisario di Polis. E protocol ta reglamenta esaki ‘respetando autonomia y tur autoridad local.’

Pa RST haci un investigacion na Aruba –segun e mandatario en cuestion– ta pasobra PG of Alto Comisario di Polis ta haya necesario pa pidi capacidad complementario. Den caso cu tin e percepcion cu cualkier miembro di RST riba su mes por bin investiga na Aruba, esey absolutamente no por. “Si e haci e, e no tin mag!” Bikker a bisa.

Tambe a pone den tur dos protocol cu tin un geschillenregeling den caso cu un dia lo yega na un diferencia di interpretacion di e protocolnan aki. E ta un forma pa anticipa cu eventualmente, na juli venidero, lo por yega na un palabracion den Tweede Kamer pa asina e geschillenregeling lo ta na vigor.

Dentina local, Leonardo Maduro:

Tin dentista cu no tin permiso pa traha na Aruba

ORANJESTAD – Bon Dia Aruba den un reciente entrevista a puntra dentista Leonardo Maduro si ta haya cu tin dentistanan cu no tin permiso pa traha, pero ta scondi tratando cu pashent.

Maduro a bisa cu tin varios cu ta traha ilegal manera dentista na Aruba, e ta agrega cu locual ta mas tristo ta cu ‘nos mesun hende ta bay cerca nan pa nan busca ayudo den nan situacion dental’.

Sinembargo, e ta remarca cu cada hende tin e derecho di busca locual ta cumbini nan, aunke e ta agrega cu ‘logicamente, e no ta sigur’. Pa motibo cu si e ta ilegal, e dentista cu no tin permiso pa traha no tin su implementonan. No ta sigur si su cosnan ta bon sterilisa y ta safe pa por trata cu pashent.

Un ehempel cu Maduro a bisa ta si un dentista ta mishu cu sanger di pashent, y e aparatonan cu e ta uza no ta sterilisa, e por pega na e siguiente pashent cu un malesa manera HIV. E ta remarca cu traha cu hende su salud ta algo delicado.

Maduro a bisa cu scupi, sanger mester ta cauteloso, pa motibo cu tur esey ta contaminacion, anto ‘esey hende no ta realisa’. Segun Maduro, nan ta djis pensa pa spaar mas placa sin pensa.

Un tendencia cu Maduro tambe ta menciona, ta personanan cu ta bay afo pa haci beugels y despues nan ta bin bek Aruba. E ta splica cu e personanan aki ta kere e tratamento ta djis pone beugels y ta cla. “E no ta asina, nan tin cu keda check cada luna. Cambia elastico. Keda haci chekeo, mester completa e proceso di hala e djente.”

Maduro ta splica cu pa e motibo aki, e tratamento di beugels ta dura di 2 pa 3 aña y no ta solamente pone beugels. E prijs ta halto pa 3 aña, pero ta e manera sigur di haci e proceso di beugels.

Den e casonan aki, Maduro ta bisa cu pashentnan ta haya nan mes den situacion cu no sa kico pa haci, paso nan no por keda biaha tur luna na e pais cu nan a bay pone beugels. Nan ta yega cerca un dentista local pa e beugels por wordo kita.

Sinembargo, Maduro ta bisa cu un trabou di beugels haci asina por tin efecto peligroso, anto por haci cu despues di tempo, e djentenan por bin afo, no tin control. “E por ta cu si a haci movimiento, por ta algo chikito, pero si e movecion tabata algo lihe, e efecto por ta grave. E riesgo di perde djente ta hopi grandi.”


Segun Maduro a bisa cu tur dia ta haya casonan similar asina. E ta haya caso cu persona tambe ta haci implante di djente, anto nan ta bin bek, anto e djente ta cuminsa yanga, ya e momento no por a haci nada.

Locual Maduro ta purba haci ta un tratamiento di nobo. “Aki e ta costoso ta berdad, pero e garantia ta pa bida henter. Tin hopi ta ofrece nan servicio pa drecha djente falso, y persona ta reacciona pa haci uzo di e servicio aki’. Nos mesun cultura di cos barata ta sali bo caro. E mentalidad tin cu cambia.

Maduro ta bisa cu un tratamiento na Aruba pa pone beugels ta depende di e persona su situacion dental. E ta bisa cu tin ta sali Afl 6,000.- pa Alf 8,000.- pero tin cu ta sali hasta Afl 14,000.-, dependiendo e pashent. Den algun caso mester di especialista pa haci cirugia pa manda e kaak atras.


Pa motibo cu no tin kaak chirurg na Aruba, e pashentnan cu e problema di kaak tin cu bay te Corsou pa haci e cirugia. Aunke Maduro ta bisa cu tin otro tratamento avansa, cu awendia tin aparato pa evita e cirugia.

Maduro tin varios aña trahando como dentista. El a studia na Colombia pa motibo e tabata mas cerca di su famia y ta mas economico. Segun Maduro a bisa cu e ta bon decision pa studia eyan, y no tin nada di keha. Actualmente e ta trahando den consultorio Bella Bouche Dental Clinic hunto cu dentista Ana Maria Salazar.



Parke Marino Aruba:

Proteccion ‘solamente riba papel’ si no haci cambionan recomenda



ORANJESTAD - “Si e parke marino no cumpli cu normanan conforme IUCN, e lo resulta den un parke marino solamente riba papel, cual lo haci hopi daño pa Aruba su reputacion internacionalmente.” Asina director di St. Maarten Nature Foundation ta splica den un documento cu ta delinea deficiencianan den e plan di maneho pa Parke Marino Aruba.

Pa tanto Consejo Consultativo (RvA) como director di St. Maarten Nature Foundation, e propuesta pa bin cu

un Parke Marino Aruba no tin un plan financiero suficientemente cla pa haci e maneho y conservacion di e parke sostenibel. Alabes nan ta cuestiona dicon e ministerio ta delinea 4 areanan los, en bes di haci henter e superficie di lama rond nos isla protegi.

Segun un evaluacion haci pa Tadzio Bervoets, director di St. Maarten Nature Foundation riba peticion di Fundacion Parke Nacional Arikok, e informacion mas crucial cu ta carece den e plan di maneho pa Parke Marino Aruba ta un seccion dedica na e fi-

nanciamiento sostenibel di e parke. No tin un plan of informacion amplio pa determina si e metodo di financiamiento ta sostenibel.

E director di e fundacion ta di opinion cu, maske ta menciona brevemente un sistema di pago basa riba contribucionnan di parti di esunnan cu haci uzo di e parke marino, y tambe un contribucion di parti di gobierno su presupuesto, esaki no ta suficiente, y ta haci henter e plan deficiente den su efectividad y implementacion. Bervoets ta basa su evaluacion riba e documentonan cu gerencia

di Parke Arikok a pone na disponibilidad y su experticio personal riba tereno di Marine Protected Areas.

4 Area los en bes di un Parke Marino unifica

Ademas di e parti financiero, no ta cla dicon a dicidi di bin cu 4 Marine Protected Areas distinto, cual segun e experto, lo crea dificultad pa por maneha e parke efectivamente, creando tambe un falta di conectividad cu ta haci dificil pa recupera henter e ecosistema marino riba nivel di rifnan di coral, pero tambe areanan unda yerba di lama ta crece. “Den e rapport ta menciona conectividad, pero esaki no ta refleha den e diseño di e Marine Protected Area.”

Mester diversifica actividadnan pa enforsa proteccion

E efectividad di e maneho proponi tampoco ta bay den detaye riba maneranan con por enforsa e proteccion di e parke. Ta menciona patruya e area, pero segun Bervoets esaki no ta e unico manera pa enforsa. Por tambe restringi ekipo cu ta uza den e MPAs, maneha piscamento, consulta accionistanan y actividadnan di restauracion. Un aspecto importante cu su evaluacion ta subraya, ta cu mester delinea mas hopi cu ta posibel,

tanto riba tereno di restauracion di ecosistema marino, resistencia climatico y handhaving. Esaki mirando cu e plan di maneho ta menciona cu lo desaroya un plan di restauracion despues, ‘pero mester percura cu ta inclui tur esaki den e parke marino ora e nace pa salvaguardia e ecosistema’.

Pesca su impacto riba bida marino ta grandi

Maske e ministerio su rapport ta menciona pesca, no ta duna suficiente relevancia na e aspecto aki pa loke ta trata e impacto riba ecosistema marino. E rapport ta menciona cu pesca ta ‘artesanal’, alabes mencionando cu e ta provee cuminda pa local y turista, cual lo kiernen cu e ta yegando caba den territorio di actividad comercial, segun e experto.

Restriccion riba velocidad minimo

Apart di actividad di piscadonan, un aspecto cu ta afecta bida marino inmensamente ta actividad di botonan cu motor. Dependiendo di e velocidad, e coriente di awa cu un boto su propeller ta tira riba fondo di lama por afecta areanan critico unda crecimiento di yerba di lama ta scars.

Gino Frans di Stichting Eliezer:

‘Mester cuminsa siña muchanan desde chikito pa no mishi cu alcohol’

ORANJESTAD - Ayera den oranan di atardi, durante un rueda di prensa di Stichting Eliezer, Gino Frans, director di Stichting Rehab Center di Paradera, hunto cu Marlon Istacia, secretario, a splica di loke nan ta organisa pa e siman aki, dirigi pa tur persona cu lo kier asisti pa scucha e testimonio cu Gino Frans y Marlon Istacia lo duna di conoce, despues cu nan a sali di e mundo di alcohol y droga.

Nan a bisa cu Stichting Eliezer lo organisa dos anochi di testimonio dia 30 y 31 di januari proximo, dilanti di Sport Hall Benito Croes na Santa Cruz, di 7or pa 10or di anochi, unda Frans cu Istacia lo kier comparti cu tur hende con nan bida a cambia drasti-

camente desde cu nan tabata adicto pa alcohol y droga. Frans a bisa cu el a caba di cumpli 22 aña sin uza alcohol y droga. El a comenta mirando cuanto problema tin na Aruba y rond di mundo tambe pa consecuencia di e substancianan y bebida ey, el a bisa cu hopi adictonan ta lanta dia pa dia.

Stichting Eliezer ta un fundacion cu a ser lanta pa Frans na Hulanda, den temponan cu e tabata adicto. Awo e ta traha cu adicto, y pa via di esey ta invita pueblo di Aruba pa asisti pa e dos anochinan y comparti su experiencianan, y expresa cu tur e adictonan tin speransa y chens pa sali di e caminda ey.

Frans a expresa cu den famia semper tin un persona cu ta sufri. E adicto ta uza alcohol y

droga, pero tin den cuenta cu rond dje tin hopi cu ta sufri tambe. “Awendia den famia tin un adicto, antes tabata un tabu, pero awo tur famia tin un adicto”.

Marlon Istacia, secretario di e fundacion, a comenta cu e tambe tabata adicto pa droga y el a enfatisa cu su prome droga tabata ‘marihuana’, e cual el a splica cu den tempo aki na Aruba ta existi hende cu kier legalisa e ‘uzo medicinal, pero no sa kico tin tras dje’, manera Stacia a bisa.

E alcohol cu ta un principal problema di Aruba, ta un droga legal. Segun Frans a expresa cu ‘hendenan mester cuminsa lanta bo yiunan y siña nan desde chikito pa no mishi cu alcohol’.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Leo Maduro (hefe de redaccion)
Nicola Gonzalez (redactor ehecutivo)
Pilar Flores (redactor ehecutivo)

Redaccion

Benjamin Romero
Kenna Hernandez
Andreina Morillo

Departamento Digital

Cristian Soto Garcia

Ehecutivo di Benta

Sulaika Croes

email: sulaika.croes@cspnv.com

Linda Reijnders

Aviso y Arte

Sandra Loefstop
Lisa Tromp
Shannon Geerman

Administracion

Mariette Engelhart
Martha Arteta de Ariza
email: accounting@bondia.com

Distribucion

Jenny Kelly

Recepcionista

Rachelle Danje

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Yakari Gabriel
Associated Press
Ret Karibense
Upload Media Aruba

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Dictadura ta haci caso...

Di poder mas grandi cu nan...

Bista di henter mundo ta riba Venezuela den e dianan aki, y cu razon. Tin tur indicacion cu e situacion na e pais ey ta bayendo nan un climax, ohala cu un final bon pa e pueblo. Pero, ta importante mantene na mente cu deseo so no ta suficiente pa kita un di e regimennan mas desastroso cu e continente a yega di conoce. Ta importante pa reconoce cu e posicion cu e grupo criminal cu a podera di e pais a logra, ta basa riba poder. Poder den su forma bruto, basa riba intimidacion y uso sistematico di arma di aresto, tortura y asesinato pa crea miedo den esnan cu ta presencia tur esaki.

E pregunta ta, con bo ta deshaci di un poder asina, cu a traves di e cuerponan uniforma ta domina y controla henter e pais, sin cu tin un resistencia arma cu ta reta e poder aki y cu ta cuminsa un lucha arma pa deshaci di e poder ey. Den otro casonan riba e continente aki tabatin un farsa arma organisa, manera e caso di Nicaragua den e lucha contra dictador Somoza, y e caso di El Salvador, unda e lucha arma no a logra un victoria total, pero en todo caso un acuerdo di paz, na 1992, cu a duna e frente di liberacion un posicion den e sistema politico cu nan a logra probecha, dunando e pais dos presidente caba. Cu nan tambe a haci nan mes culpable di corrupcion, algo cu nan a priminti di lo caba cune, ta proba atrobe cu, di cualkier coriente politico e persona por ta, conservador o progresista, ta parce cu maldad ta manera cancer: e no sa haci distincion ni di nacionalidad, raza, descendencia, etc.

Pero Venezuela ta un caso diferente. Den binti aña gradualmente e pais a cay mas y mas den man di un coriente politico socialista, cu a cera un pacto di diablo cu e militarnan, pa crea un pais unda no solamente nan tin e poder absoluto, sino cu nan a sa di usa esaki pa nan propio beneficio. Esaki a crea un tremendo base pa un dictadura hopi stabiel, ya cu e contrincantenan politico, cu a refugia den un parlamento cu e narcodirigentenan por a ignora pa hopi tempo, pasobra nan no tabatin ningun poder real.

Sin embargo, nan a haya yudansa di un banda cu a tarda pa bin, pero cu semper lo t'ey ora ta trata di aventurero socialista cu ta kere den nan mesun modelo economico irealista. No a tarda pa nan a cuminsa destrui economia, pasobra esey simplemente ta e realidad y destino

di e sistema politico cu nan kier hiba. Ironicamente, e unico 'arma' cu a yuda pa pone e regimen criminal aki den problema, ta e desastre economico cu nan mes a organisa. E unico problema tabata, cu a dura hopi prome cu e rumbo economico aki a yega na tal nivel di pobreza y hamber pa mayoria di e poblacion, te pa yega cerca di e collapse total di e pais. Y no ta cos chikito cu ta tumando lugar na e pais; poco biaha por a experimenta con un pais asina prospero, pero no pa tur hende tampoco, por a yega na borde di destruccion total asina. Na e momento aki e situacion ta yegando na e punto unda eherce e control completo ey riba tur hende y den cada skina di e pais, ya no ta pertenece na e posibilidadnan real mas. Esey e Chavistanan tambe sa. Y awor, na un momento cu nan no a spera, nan a topa cu e decision di e pais cu ta considera America Latino ainda como su traspatio, cu ta bira tempo pa pone orden den e cura di cas.

Pa di prome biaha den tur e añanan aki, e Chavistanan a bin ripara cu nan poder tambe ta limita, y cu ta nan mes a percura pa actualmente nan ta den un situacion vulnerable, unda ta posible pa 'strangula' nan económicamente, y pone nan na rudia, sin cu mester usa farsa militar bruto. Pa hopi aña, e regimen na Venezuela tabata hunga un wega doble: nan ta socialista, comunista, ta critica Merca tur dia, pero unda nan tabata warda placa? Na Merca y na Europa, no cerca nan amigonan Arabe, no na Rusia, no na China, no... den e hol di e leon, tratando di hunga e wega 'capitalista' na un manera 'nice', hasta cu refinaria na Merca. Y ta esaki ta birando fatal pa e regimen, cu no por conta cu apoyo di e 'aliadonan' oportunista Chines y Ruso, pasobra nan a 'yuda' nan caba; loke nan kier ainda ta haya nan biyones paga cu crudo, punto.

Claro cu e estrangulamento economico di e banda criminal aki lo trece mas miseria ainda pa e poblacion, pero esey por ta temporal. Esey no ta implica cu e regimen a cay caba. No por kere cu e hendenan aki ta bay entrega poder, sin un intento pa usa e unico cos cu nan conoce bon: violencia pa domina otro hende. Pero nan lo bin comprende un cos: tin poder mas grandi cu nan cu ta dispuesto pa usa esaki tambe...

Bolivia: Evo Morales a keda aproba pa participa den eleccion presidencial



(Infobae/ElPeriodico) – Presidente Evo Morales

y otro nueve candidato a keda aproba diadomingo pasa pa participa den eleccion pa presidente na luna di october, despues di un eleccion primario polemico cu poco participacion na Bolivia.

Movimiento al Socialismo, partido den gobierno cu a promove e eleccion primario, a registra 35% di participacion, segun un conteo rapido di e Tribunal Electoral. Morales tabata spera un apoyo fuerte di su militancia.

“Mi tin e expectativa di cu lo por tabata un tiki mas, pero mi ta kere cu nos tin un resultado hopi positivo, nan no ta di caracter obligatorio,”

e minister di Comunicacion, Jorge Canelas a bisa.

Di otro banda, e otro ocho forsanan a registra un participacion abao, despues di e yamado di e candidatonan pa abstencionismo. E voto no tabata obligatorio.

“Tabatin concurrencia, na un luga si y na otro no. E prome eleccion primario aki a laga nos un enseñansa grandi pa promove un participacion mayor,” e presidente di e Tribunal Electoral, Maria Eugenia Choque a bisa.

E eleccionan primario a ser firmemente rechasa pa oposicion, pa motibo cu nan ta considera esaki innecesario y ta bisa cu e lo sirbi pa legitima

e aprobacion di Morales pa su reeleccion. Na un referendo na februari pasa, a rechasa un reforma constitucional cu a ser promovi pa gobierno pa aproba Morales den e eleccion di october. Pero Tribunal Judicial y Tribunal Electoral a aproba Morales.

Den un conferencia di prensa, e candidato y senador actual Oscar Ortiz a menciona cu e eleccion tabata un fracaso total y cu Morales lo mester renuncia su di cuatro postulacion.

“Ni su mesun militancia no kier Morales. Renuncia bo candidatura,” el a agrega.

Brasil: Israel ta yuda den buskeda di persona desapareci

(Infobae/PortalMT) – Un delegacion humanitario cu 130 militar y boluntario Israeli a yega Brasil diadomingo pasa, pa yuda den e labor di buskeda despues cu e dam a kibra y a laga no menos di 50 morto y entre 250 pa 300 persona desapareci.

Ingeniero, medico, bombero y expertonan di ingenieria a sali desde aeropuerto di Belo Horizonte, cerca di e zona di e catastrofe na Minas Gerais, asina teniente coronel Jonathan Conricus a informa den un conferencia di prensa via telefon.

E delegacion ta sigui e instruccion cu a ser duna pa prome minister Israeli, Benjamin Netanyahu na ehercito y tin e principal mision di yuda “pa localisa y rescata e personanan



desapareci.”

E zona cu nan ta traha aden ta un area rural cu a ser

inunda, pa cual nan lo utiliza medionan di ubicacion mobil avansa, radar submarino

y vehiculonan aereo no tripula pa studia e entorno di e intervencion, e portavoz

militar a detaya.

E embahador Israeli na Brasil Yossi Sheli, cu tabata na Israel, tambe a biaha pa Brasil hunto cu e miembronan di e delegacion, cu lo ta na e pais Suramericano pa un siman.

“Forsa di Defensa di Israel (FDI) y Estado di Israel lo continua yuda despues di cualkier desaster na cualkier parti di mundo, cu lo rekeri di nan experiencia y capacidad,” FDI a bisa via un comunicado.

Esaki ta e di dos catastrofe ambiental den menos di tres aña cu Brasil a sufri, tempo cu e dam di un planta minero di Samarco (Controla pa Vale y BHP) a kibra na e mesun estado, y a provoca incalculabel dañonan a lo largo di 650 kilometer den e cuenca di riu Doce.

Colombia: Desmantela na Florida red di arma clandestino pa gruponan criminal



(Infobae) – Autoridadnan federal a captura na sur di Florida tres homber cu nan ta acusa di pertenece na un red cu tabata cumpra arma di candela semi-automatico y otro tipo di arma na distribuidornan autorisa, pa manda pa organisacionnan criminal na Colombia.

E envio a ser realiza den ultimo 12 luna, pa cual autoridadnan Colombiano ta investiga si e armamento a termina den man di Ehercito di Liberacion Nacional (ELN), cu a ser cataloga pa Merca como un grupo

terrorista.

E operativo a tuma lugar den e dianan despues di e atento terrorista cometi pa Eln cu un autobom cu a explota na Scol di Cadete di Polis General Santander na Bogota, y a laga 21 morto, entre nan e chauffeur di e auto, y 68 persona herida.

Aunke e investigacion di autoridadnan no a duna indicio cu e armanan cu a bin for di Florida a ser utiliza den atentado, na e momento akinan sa cu e material di guera aki a ser manda pa Colombia scondi den compresor di aire di marca

Husky.

E captura a tuma lugar danki na informacion suministra pa un di e cumpradornan fantasma, ken a graba un conversacion entre e delincuentenan ora nan tabata papia di e compra di arma y e envio pa Colombia. E tres detenido a ser identifica como Francisco Joseph Arcila Ramirez, Gregory Fernando Ortega y James Smith. Na Colombia tambe a ser captura dos persona cu tabata encarga cu ricibi e envio: Alvaro Jay Arcila, ruman di Arcila, y su casa Ingrid Maldonado Perez.

Mexico: Autoridadnan a reacciona laat den explosion di ducto di gasolin na Hidalgo

(Infobae/Univision) Autoridadnan Mexicano a difundí un cronologia di e explosion di un ducto di gasolin na Tlahuelilpan, estado Hidalgo, cu dia 18 di januari a causa un candela grandi, cu un cantidad creciente di victima di kemadura, mientras ainda tin varios persona desapareci.

E ultimo conteo, duna den e rueda di prensa di presidente Lopez Obrador di ayera, ta di 116 morto, 32 persona herida y alrededor di 50 persona desapareci.

Durante un conferencia di prensa diadomingo dia 20 di januari caba, gobierno a duna un cronologia di e evento,



unda den presencia di presidente Andres Manuel Lopez Obrador, e secretario di Seguridad, Alfonso Durazo, a

duna un splicacion. A resalta cu e reaccion di e autoridadnan no tabata diligente, unda e empresa doño di e tube-

ria, empresa estatal Pemex, a trada cuatro ora despues di e prome alarma, pa cera e ducto. Ciertu momento e

presion tabata laga e combustible yega te 6 metro halto, cu un multitud di mas di 600 hende aglomera pa haya gasolin, mientras hopi a keda tur muha caba di e combustible. Seguidamente e prome grupo di hende uniforma di 25 hende cu a yega na e lugar, no tabata arma y no por a detene e hendenan. Despues a bin un grupo di ehército di 60 homber, tampoco arma. Mientras cu e prome alarma tabata 14:30, e explosion a tuma lugar pa 18:52, casi mey ora despues cu Pemex porfin a cera e valve di e ducto afecta. Na e momento ey ya un cantidad grandi gasolin a plama den e area y a ocasiona e desastre grandi aki.

Venezuela: Maduro ta dispuesto pa papia cu oposicion

(ElNacional) – Ministro di asunto exterior di Venezuela, Jorge Arreaza, a indica ayera cu el a tene conversacion cu e encargado di asunto di gobierno Mericano di embahada na Caracas, pa traha riba e propuesta di un oficina pa garantisa interesnan y intercambio di Venezuela cu Merca.

Arreaza a muestra diferente potret pa demostra cu e conversacion di berdad a tuma lugar. El a sigura cu tur e diplomaticanan Venezolano na Merca a bolbe na Venezuela. El a sigura tambe cu e dirigencia gubernamental ta dispuesto pa establece un dialogo cu oposicion. “Nicolas Maduro ta dispuesto di dialogo cu oposicion Venezolano,”



el a bisa.

Di otro banda, e presion riba

gobierno di Maduro ta continua. Juan Guaido, presidente

interino di e Republica, a informa diadomingo cu e prox-

imo mobilisacion di pueblo contra e regimen lo ta diarason dia 30 di januari, y diasabra dia 2 di februari. Guaido a bisa cu e manifestacion di diasabra lo ser teni tambe na otro ciudadnan na mundo, “pa acompaña e respaldo di Union Europeo.”

Guaido a splica, durante un transmision di Periscope, cu e no a convoca e ciudadania pa nan protesta tur dia, pasobra “e ta consciente cu actualmente e Venezolanonan ta luchando pa haya di come.”

El a solicita ademas na comunidad internacional pa yuda den proteccion y posterior recuperacion di e recurso- nan di estado Venezolano, manera realisa pa gobierno di Estadonan Uni, cu a blokea cuentanan di Venezuela na

Venezuela: Merca ta pasa cuentanan bancario pa Guaido



(Infobae/LaPatilla) - Reserva Federal (Banco Central Mericano) ya a

ricibi orden pa cumpli cu e reconocimiento di e lider opositor Juan Guaido

como presidente interino, y pa laga e regimen di Nicolas Maduro sin entrada. E siguiente pasonan ta muestra den direccion di e cuentanan petrolero, e base di economia Venezolano.

Asina gobierno di Donald Trump ta continua tumando paso concreto pa restringi e capacidad di regimen di Nicolas Maduro, na favor di e presidente interino autoproclama Juan Guaido, cu ta haya asina e control di e cuentanan di Venezuela den territorio Mericano.

Departamento di Estado ya a manda siman pasa un documento pa Reserva Federal

pa subraya cu Washington ta reconoce e presidente di Asamblea Nacional di Venezuela como lider di e pais, y por lo tanto mester ta e agente autorisa pa controla e cuentanan na banconan na Merca. Cu e reconocimiento di Guaido, e autoridadnan cu ta “tuma legitimamente decision respecto e transaccionnan economico entre Venezuela y Estadonan Uni a cambia, loke tin hopi consecuencia,” un funcionario di Cas Blanco a bisa, cu a pidi mantene anonimato diarason pasa.

Segun informacion di Wall Street Journal, gobierno di

Trump ta planea pa usa decreto ehecutivo pa habri caminda pa medida di emergencia y permiti Guaido tuma efectivamente control di e cuentanan. Pa no mester bay bataya e medida den corte na Merca, e presidente lo por argumenta cu e crisis politico y e importacionnan di petroleo ta di importancia fundamental pa sector energetico di Merca.

Den e direccion ey Washington ta busca con pa desvia e transaccionnan relaciona cu hidrocarburo pa evita cu nan ta yega na man di e Chavistanan, y pone nan riba cuenta mancha pa oposicion.

Cuater persona encarcela pa robo di diamanta na Schiphol



AMSTERDAM – E cuater hombernan cu a wordo aresta na Spaña y Amsterdam na 2017 den relacion di e atraco masivo di diamantan na aeropuerto di Schiphol na 2005, a keda encarcela pa 7 aña pa e huesnan na Haarlem.

Un di shete homber, cu nan ta bisa ta e cerebro di entre otro e robo mas grandi di

Hulanda, a fayece prome cu e por cu e por a yega na e hucio.

E robo aki a tuma luga dia 25 di februari 2005, ora cu atracadonan arma bisti manera personal di KLM a secuestra un auto den un zona segura di e aeropuerto di Schiphol y a horta e diamantan sin corta cu tin un balor di 72 milyon dollar. E diamantan tabata a punto di wordo poni riba e



avion y transporta pa Belgica.

E shete personanan ta di nacionalidad Hulandes, y nan a wordo aresta na januari 2017 door di un tip.

E sentencia di mas largo di shete aña tabata pa Errol H V, cu ta e organisado di e atraco y chauffeur di e auto di transporta placa. Brian D a bisa cu e co organisado tabata encarcela pa 6 aña.

E empleado di KLM, Ramazan N kende a yuda e gang di paden, a wordo encarcela pa 5 aña y e otro homber a ricibi un sentencia di 3.5 aña. Dos homber a wordo declara inocente di e actonnan aki. Un parti di e diamantan a wordo recupera den un auto, pero ainda ta falta mas o menos 43 milyon dollar di gems.

Autoridadnan investigando cuater hincamento na Noord-Holland

AMSTERDAM – Autoridadnan policial ta investigando e hincamento di un ciclista di 15 aña cu a sosode diasabra anochi, pa un persona den un auto cu tabata pasa den e di cuater atake di e forma aki cu a sosode na Noord-Holland.

E incidente a tuma luga den oranan trempan di atardi ora cu e mucha muhe tabata core su bais riba caminda di Heerenweg na Barsingerhorn, un 15 kilometer zuid di Den Helder

E chauffeur di un auto chikito cu tabata bin di direccion contrario a hinca e mucha den su brasa cu un obheto skerpi cu consecuencia e mucha a cay di su bais. E mucha a logra core

su bais bay cas y notifica polis, pero nan no por a haya e auto. Na november varios incidentenan similar a tuma luga den e provincia. Na Egmond aan den Hoef,

Un mucha muhe di 18 aña di edad cu a sali pa core a keda corta cu un obheto skerpi pa un chauffeur di un auto y den cercania di Castricum un mucha muhe di 18 aña cu tabata core su bais a wordo hinca den su pecho.

Un señora di 52 aña di edad a ricibi un corta na su man riba e mes un caminda aki. Ningun di e damanan no a keda seriamente herida. Autoridad ta investigando si e incidentenan ta relaciona cu otro y ta buscando testigo.



Cas di Aruba a conmemora fecha natalicio di Betico Croes

DEN HAAG – Recientemente personal di gabinete di minister plenipotenciario y di ATA Europa a tene riba 24 di januari, na antesala di Dia di Betico, un ceremonia pa recorda e fecha natalicio di Gilberto Françoise “Betico” Croes (dfm), politico y estadista Arubiano. Director a.i. di Arubahuis mr. Glenn Ling y director di ATA Europa Tirso Tromp a pone un flor na e busto di Betico Croes.

Prome cu e acto aki sr. Besaril a tene un discurso den cual e mandatario a para keto riba e dia aki y e importancia di e persona Betico Croes

pa historia di Aruba. Tambe importante tabata Betico su amor y cariño pa su pueblo y pa a duna nos e sentido grandi y orguyoso pa ta un Arubano. Danki na e vision di Betico Croes cu awe nos tin

un representacion di Aruba na Hulanda pa mas cu 35 aña, asina minister plenipotenciario a bisa na e ocasion aki. E ceremonia a keda termina cu canto di nos himno nacional Aruba Dushi Tera.



Explosion di gas a causa desaster na Den Haag

DEN HAAG - Un homber a keda cubri pa escombros di un edificio di apartamento despues di un explosion di gas na Den Haag diadomingo atardi, a keda rescata pa trahadonan di rescate un tiki despues di mey anochi. E homber di 28 aña, cu tabata consciente na momento cu nan a rescate, a keda transporta pa hospital y ainda no ta cla kico ta e gravedad di su heridan.

Su mayornan cu kende e ta biba den e apartamento, tambe a resulta herida. Un total di 10 persona a keda atrapa den e explosion na Jan van der Heijdenstraat banda di 4pm y ocho di na a keda transporta pa hospital pa lesionnan menor, incluyendo un señora cu a wordo rescata pa un grua.

E servicio di bombero a bisa cu e un explosion di gas tabata e causa y nan a cera e caminda. Un dozijn di otro persona a wordo evacua di e propiedadnan debi cu e explosion a causa cu e otro edificionan a collapse.

Pauline Krikke, alcalde di e ciudad a bishita e escenario diadomingo anochi y a describi e incidente como 'teribel pa esunnan cu ta involvi directamente'. Nan a organisa alocacion di hotel pa e residentenan di mas o menos 20 hogar cu a keda declara insegur.

Nan a reculta ekiponan di specialistanan di apoyo di Alpen aan den Rijn and Beusichem na Gelderland pa asina yuda cu e esfuerso di rescate.



www.kia.com/aw

Ready to reinvent the game
SPORTAGE

Starting from: Awg. 51,900.- (excl. taxes)

KIA
The Power to Surprise

TOPCAR | Topcar | +297-528-9500 | Caya Ernesto Petronia 21

*Model shown is for illustration purposes only. Some features shown may vary from models available.

ARUBA

DI NOS E TA!

Clasificado Economico

**PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM
PASA LAGA BO AVISO NA OFICINA DI BON DIA ARUBA WESTSTRAAT #22**

SERVICIO PUBLICO

PC specialist ta drecha laptop, desktop, elimina virus, riba OS Linux, y Windows tur version
Tel. 561 2545/561 1761

SERVICIO PUBLICO

Gran Feria di Fruta y Verdura na Rococo Plaza diahuebs, diabierna y diasabra 3 or te cu 8 or anochi . Tur siman

SERVICIO PUBLICO

ta yuda busca cas pa cumpra of huur
Tel. 563 1449

SERVICIO PUBLICO

Bo mester servicio di Coaching Politico PR, Marketing efectivo ! Na un bon prijs? anto tuma accion y yama Mr. Dirk
Tel. 583 7192

TA BENDE

un trailer di 30 pia pa 21.500 (taxatie 33.000)
un trailer chiquito pa 5.200.
Tur dos pa 25.500
Tel. 592 9246

SERVICIO PUBLICO

Ta ofrece pa verf y chapi cura bon prijs. Nos ta hiba e sushi. Yama pa mas informacion na
563 4828/5679610

TA BENDE

Cuminda Criollo
calco stoba cu arroz y banana, comcomber stoba cu rabo
Deja Vu Cafe & Lounge
Cayena Mall Caya G.F. Betico Croes 22
Tel. 561 1089

SERVICIO

Unified One Events
Photos , films, wedding
Tel. 749 2533

SERVICIO PUBLICO

Psychic Riley let me help solve your problems in love marriage finance career and family with immediate results
Call 001 747271 9899
wyattearp14@sbcglobal.net

TA BENDE

un cas na Rasmijnstraat, San Nicolas di 3 camber y 2 baño Afls.350.000 yama
Tel. 593 6318

TA HUUR

un camber full muebla, utilidades incluido. Madiki
Tel. 564 1979

SERVICIO PUBLICO

Buscando auto pa huur y na bon prijs? yama nos
Tel. 593 9953/ 593 8453

SERVICIO PUBLICO

Handyman
pa tur trabou di verfmento, plumbing tuberia, chapi, limpieza di cura, drecha mata. contact.
Tel. 568 3728

SERVICIO PUBLICO

Barata Barata
Nos ta chapi, lanta sushi, spuit veneno, corta mata, na bon prijs
Arubiano balente
Call 592 5766

TA BENDE

2 wakamayo na bon prijs cu a cuminsa pone webo
Tel.584 7280

SERVICIO PUBLICO

Master Nails
Pa e miho servicio y experiencia den mantencion y atencion pa bo huñanan. Yama pa un cita
Tel. 744 9214

SERVICIO PUBLICO

Figuera Yard Service
Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs

SERVICIO PUBLICO

Construction
remodelacion di cas, traha cas, apartment, traha y drecha dak, electricidad, verf pega mosaico, traha cura, plomeria. Bon prijs
Tel. 593 3141

TA BENDE

gordura di mushroom, bo cumpra 10 saco nos por delivery Fls.7.50 pa un
Tel.594 2380

GRATIS

Nos ta piki tur sorto di auto bieu, gratis. Tambe airco, bateria, stoof, wasmachin, frigidaire etc
Tel. 561 4297 / 561 5179

SERVICIO PUBLICO

Mi ta ofrece servicio di electricista, electricidad en general, problema cu corto circuito y mantencion
Tel. 566 5026

SERVICIO PUBLICO

Masaje relajante, sports masajes, aroma terapia, piedras calientes, reflexologia, faciales
Sabana Basora # 157 P.Ch.
Tel. 561 8520

TA BENDE

set di mesa di comedor cu 6 stoel di palo puro cu su cashi prijs ta Fls.8.500 cu full set di tayo y glas. Situa na Santa Marta 12
Tel. 564 4456/ 733 2542

TA HUUR

Bachi pa tur ocasion
Tel. 749 2533

SERVICIO PUBLICO

Dama habla ingles ta busca trabou domestico sea part time of full time
cu papel legal pa traha
Tel:745 2568

TA BENDE

un tereno propiedad di 319 m2 na Modanza pa Afl.86.130
Tel. 593 6318

TA BENDE

2 apartamento riba tereno eigendom na Seroe Blanco pa Afl. 255.000
Tel.593 6318

TA BENDE

Cadillac Escalade preto año 2007 prijs \$10,900
Tel. 739 9191

SERVICIO PUBLICO

Ta haci tur trabou di construccion y carpinteria y tur cos cu ta furamento di stul
Tel : 746 0518

TA HUUR

Apartment den vecindario di Pos Chiquito, full muebla pa max 2 persona
Tel.592 6657

TA BENDE

un Ford Escort Afl.3500
Tel.584 7280

SERVICIO PUBLICO

Se ofrece servicio de reparacion e instalacion de aires acondicionados Split e industrial tambien reparamos frigidaire, cuartos frios y fabricantes de hielo
Tel. 600 0750

TA BENDE

un set di 4 stoel cu su mesa di palo di Colombia di año 1950 prijs ta 7000,=
Lugar Santa Marta 12
Tel.564 4456 /733 2542

SERVICIO PUBLICO

recojemos todo tipo de basura (nevera, estufa, etc)
Tel. 564 1979

SERVICIO PUBLICO

Ta haci tur trabou di construccion y carpinteria y tur cos cu ta furamento di stul
Tel : 746 0518

SERVICIO PUBLICO

ta drecha tur sorto di Imagen
Tel. 584 2489

TA BENDE

BBQ Grill (tipo cylinder) ideal pa carnaval (crioyo)
Prijs standard Afl.250 cu wheel Afl.300
Tel : 569 7787

FOR SALE

House at Soledad /Tanki Leendert with 4 bedrooms, 2.5 bathrooms, build-up 273 m2, land 974 m2 with 1 apartment and for \$362,000.00
Tel.593 6318

ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na accounting@bondia.com
www.bondia.com**



Ruthy Vrieswijk-Bergen:

‘Bon dia yen di alegria’

ORANJESTAD - Nos a cuminsa e anochi bunita cu cantamento di kareoke, pero ora e internet a cay afo, nos no por a sigui canta cu e letranan grandi riba screen di television mas. Nos a sigui combersa y intercambia di varios pensamentonan, y despues banda di 9.30pm nos a bay bek cas pa wak e eleccion di reina grandi y mrs. Carnaval na Tele Aruba, cu ya a cuminsa un tiki mas tempran. Nos tin basta tempo sin bay wak un eleccion di reina y e biaha aki e tawata den harbour Arena cu den background un di e cruceronan tur na luz.

Un bunita bista ! Nos tambe a gosa di e shownan, di cada presentacion di cada candidata. Ki bunita creatividad hinca den cada kostuum. Ki bunita creatividad hinca den cada show. Nos candidata favorito pa reina grandi tawata den persona di Jeneady Semeleer, e ruman muhe di e cantante popular y hopi stima Edjean Semeleer. Beautiful Jeneady tambe ta un bon cantante, y e biaha aki a participa como reina di Oranjestad pa e titulo di reina grandi cu su tema pa tene nos lama y medio ambiente limpi. Pero e fantastico grupo Empire a luci asina bunita den asina hopi ! Y mercedamente e grupo fabuloso aki a bay cu mayoria premio. E grupo di Empire cu ya pa varios aña ta briya y luci den tur e paradanan cu nan kostuumnan unico, elegante y “out of this world”. Pa hopi conoci como un di e

miho gruponan cu lidernan excelente. Un pabien grandi diki gordo ta bay pa Jeanissa Maduro reina di carnaval 65, alabes a gana cu e best show, best costume, best make up, e reina mas popular y tambe a gana e titulo di queen of setar. Un pabien grandi diki gordo ta bay tambe pa Clarissa Arrindell kende a keda eligi como sra. Carnaval 2019.

Jeneady Semeleer a bay cu e titulo di best speech. Nos a haya falta di e panel cu tawata comenta di tur e candidatanan nan bisti y of nan presentacion, cu nan no a bisa net nada di e reina di Oranjestad. Nos ta comprende cu nan kier a combersa cu prome ministro Evelyn Wever Croes kende tawata cla pa bay corona e reinanan eligi y kisas pa falta di tempo, pero, no ta fair cu a comenta di tur e otronan anto di e reina di Oranjestad net nada. No ta eerlijk. Nan a purba di make up, cu un entrevista cortico si cu Jeneady mas



despues, ora tawata entrevista otro candidatanan. Ach, ta carnaval shonnan y den carnaval casi tur cos ta posibel. Nos ta desea tur participante den e actividadnan carnavalesco cu falta di tuma luga ainda, tur clase di exito !

Nos picsnan di e relato di awe, ta mustra con ta traha e skeletnan di carosanan grandi. Durante nos bishita na Hulanda recientemente mi bunita amiga Maria van Zoggel van Kollenburg a hiba Lady Ruth na un “schuur” grandi na unda tawata trahando riba e carosa “Echtgenoten en echt genoten” pues parehanan casa pa añanan gosando di berdad. Hopi interesante pa sa, cu ta asina tambe ta traha e skeletnan di carosanan grandi aki na Aruba. Entre otro cu palo, waya pa traha couchi di galiña (kippegaas) y foam blanco y ariba e waya etc. plak papel di revistanan bieu cu lijm y despues verf of plak e material di pluma, tela blink blink etc. Awor nos amigonan di Hulanda, St. Oedenrode, Nijnsel kier bin Aruba pa wak con nos ta celebra Carnaval. Shonnan, ban trankilo den nos paradanan, nada di mas, aunke ta dushi pa bebe alcohol y sinti bo mas happy ainda, corda cu bo tin cu yega cas bon bek y no haya bo na un otro caminda sin corda con bo a yega eyan, ni corda kico otro lo a haci cu bo sin bo permiso. Respeta bo mes, pa otro respeta bo. Carnaval ta un dushi fiesta pa expresa alegria y no pa yora malay despues. Uza bo tino, uza bo cabes. “Let’s keep the beautiful memories of Carnival sixty five alive “!!!

Of....Den Carnaval sesenta y cinco, ta Beach Lama cu su calypso lo canta Bingo ! Exitos dear friend, go for it !!! See you on Poetry Night on the 30th of Januari !



Cas na candela den Venezuelastraat

ORANJESTAD - Diadomingo anochi habitantenan di Venezuelastraat a tuma nota di huma ta saliendo for di un cas pariba di Tat Fat y despues vlamnan grandi.

Di biaha tanto unidad di brandweer como patruya di polis a presenta na e sitio. Bomberonan a dreña accion di biaha pa asina combati e candela rapidamente. Tabata tin persona ta biba den un apartamento patras di e cas y polis a l saca nan afo, te ora cu bomberonan tin tur cos domina.



Polis a detene ladron danki na descripcion duna pa victima



ORANJESTAD - Diadomingo atardi un señora ta yega na su cas den Fahrenheitstraat y ora cu el a dreña paden el a topa cu un homber den su cas ta cla pa horta.

E homber a sintie y gara a core sali, un patruya cu tabata cerca a presenta na e sitio. Aki a topa cu e conocido di husticia den e area y a detene su persona, danki cu e doño di cas a duna e descripcion con e sospechoso tabata.



Polis a confisca varios brommer sin documento durante control



SAN NICOLAS - Diadomingo durante oranan di atardi polisnan motoriza a tene un control engeneral riba caminda principal di Savaneta, despues di parada di blaas na San Nicolas. A para basta motociclista. Mas cu 10 brommer no tabata tin seguro y a keda confisca, otronan no tin rijbewijs di brommer y mester a yama hende pa core esaki.



Alarma di bom y droga riba vuelonan di Toronto a cera aeropuerto pa varios ora


ORANJESTAD - Dialuna den careda di 3'or atardi manera cu e vuelo di Sunwing biniendo for di Toronto a aterisa pa 3:59, un persona a raporta un menasa di bom y di droga na airport riba e vuelo. Di biaha a bay over na lista un di dos avion cu tambe a raporta algo sospechoso riba dje.

E prome avion cu 132 pasahero y e di dos avion cu 145 pasahero abordo. A lista e prome avion tanto pasahero y e maletanan. Polis y mas departamento a keda informa di e caso y a start un investigacion grandi. Pa wak si ta topa cu e posibel bom y tambe e droga raporta.

Relaciona cu e alarma di bom y di droga, dialuna pa 4'or at-

ardi a pone cu investigacion profundo a start riba dos avion un di Sunwing y e otro cu tabata staciona caba. Mas di 300 pasahero a keda controla y baha for di avion. Airport a cera e pista completo unda ningun avion por a aterisa of lanta. Avionnan cu mester a yega Aruba a keda desvia pa Curacao cu ta un total di cinco avion.

For di Curacao a compronde cu cos a tranca debi cu no tabatin luga pa tur e avionnan riba pista na Curacao. E bom team di Cuerpo Policial a lista ambos avion y pa 6'or atardi ambos avion a keda clear. Y e momento ey a cuminsa cu e preparacion pa operacion sigui normal bek na Aeropuerto Internacional Reina Beatrix



Polis a detene ladron di auto despues di un asalto

KAMAY - Dialuna durante oranan di merdia un ciudadano na Kamay a raporta na autoridad cu un dama y un cabayero a presenta na su cas y a asalt'e y bay cu su vehiculo.

Ta trata di un Kia Cerato, polisnan tabata tin e number di auto y a start un buskeda

den areanan conoci. Den area di Tarabana pa Sabana Blanco a topa cu e auto y aki ta caminda cu a start un persecucion y a logra para e auto. A topa cu e conocido di polis acompaña pa un hombre. E auto a wordo confisca y ambos sospechoso a keda pasa over pa departamento di atraco team.



CENTRALE BANK VAN ARUBA

BEKENDMAKING

Ingevolge artikel 8 lid 1 van de Landsverordening toezicht geldtransactiebedrijven (AB 2003 nr. 60) (Ltg) maakt de Centrale Bank van Aruba hierbij bekend dat zij op 14 januari 2019 krachtens artikel 3 lid 2 van de Ltg, GLOBAL EXCHANGE ARUBA N.V. heeft ingeschreven in het door haar gehouden register van geldtransactiebedrijven zoals bedoeld in artikel 3 lid 1 van de Ltg ten aanzien van geldwisselactiviteiten zoals omschreven in artikel 1 lid 1 sub b van de Ltg.

Aruba, 28 januari 2019

Gran Bretaña: Cadenanan di fast food ta mira problema cu Brexit

(ABC) - E ta zona manera un simple advertencia na e politiconan y esnan cu ta apoya nan, mey mey di un invierno Britanico: Brexit, sigur uno sin un acuerdo cu Union Europeo, por percura pa un escasez di cuminda na e isla.

Cu e Brexit na 60 dia di bay tuma lugar, e distribuidor nan mas grandi di cuminda a adverti e parlamentarionan cu ta den un impasse grandi con pa yega na un acuerdo tocante e salida di Union Europeo, cu nan por ta responsable pa menasa seguridad alimentario.

E ehecutivonan di e cadena nan di supermercado Sains-



bury's, Asda, Waitrose, grupo di detayista Marks and Spencer, como tambe gigantenan di fast food McDonald's y KFC ta entre e 12 firman tenan di e carta di e organizacion British Retail Consortium (BRC).

Nan ta adverti cu e cadena di abastecimento a base di "just-in-time" o e cadena di "fresh supply lo por topa cu problema di continuidad den e caso di un Brexit sin deal cu UE.

"Pa consumidor, asaki lo por reduci e disponibilidad y duracion riba shelf di hopi producto den nos tiendanan."

Esnan cu ta apoya un Brexit, hasta den e caso di no tin un

acuerdo, cu a argumenta asina largo cu Reino Uni mester sali di UE cu of sin deal, sin duda lo bisa cu tur esaki ta pa spanta hende. Pero con nan por sa sigur?

Comerciantenan detayista y esnan cu ta stock a base diario a cuminsa prepara stock te unda nan por, pero e espacio pa almacena ta yena caba y ademas esnan cu ta mancha producto fresco no por haci esey.

BRC ta bisa cu na maart Reino Uni ta haya 90% di su lechuga, 80% di su tomatim y 70% di su fruta suave di Union Europeo, tur ta producto cu mester move rapidamente di e productor pa e tienda.

USA: Ta impone sancion riba Pdvsa; US\$ 7 biyon blokea



(CNN/Reuters) - Estadonan Uni a impone sancion riba e empresa petrolero estatal Venezolano PDVSA, aumentando e presion riba e regimen di Nicolas Maduro, rechaza pa e oposicion y pa Washington, como tambe pa e mayoria di e paisnan di America y Europa.

E medida ta ordena e blokeo di US\$ 7.000 miyon na activo di PDVSA na Estadonan Uni. E autoridadnan Mericano a laga sa cu e medidanan lo provoca otro 11.000 miyon dollar na perdida den e proximo aña pa e empresa. "Estadonan Uni a adopta me-

didanan necesario pa impedi cu e e anterior regimen ilegítimo di Maduro ta continua sakeando e activonan y e recursonan natural di Venezuela," secretario di Estado, Mike Pompeo, a declara. "Maduro y su colaboradornan a usa e empresa estatal Pdvsa pa controla, manipula y horta e pueblo Venezolano durante demasiado tempo, y den e proceso aki nan a destrui e empresa," el a agrega.

E secretario di Tesoro, Steven Mnuchin, a bisa sin embargo cu e filial di Pdvsa na Merca, Citgo, por continua su operacion, basta cu nan ganashi bay riba un cuenta

blokea den teritorio Mericano pa Asamblea Nacional di Venezuela por controla esaki.

E secretario di Tesoro a remarca cu, "cu efecto inmediato, den cualkier compra di petroleo Venezolano, e placa lo mester bay riba cuentanan blokea."

E medida tuma ayera lo impedi cu Maduro y otro actor nan corrupto sigui enrikece nan mes a costo di e pueblo Venezolano. "Tambe esaki lo salba e base fundamental di e activonan nacional di Venezuela pa e pueblo y un gobierno elegi democráticamente," Pompeo a añadi.

Merca y Taliban a yega na un acuerdo di principio

(AP) - Negociadornan pa Estadonan Uni y e insurgentenan di Taliban a yega na "un acuerdo en principio" riba asuntonan clave cu por pone un fin na e guerra di 17 aña na Afghanistan, segun un enviado halto Mericano.

E declaracion di enviado di Merca, Zalmay Khalilzad, a bin despues di seis dia di negociacion cu Taliban na Qatar, unda el a urgi e grupo Islamico pa drenta den negociacion directo cu gobierno di presidente Ashraf Ghani.

Ghani ayera a sigura e Afghanonan cu nan derechonan lo no keda comprometi den nomber di paz cu Taliban, cu a hiba atake practicamente diario contra ehercito di Afghanistan, causando un cantidad di victima mortal tur siman. Nan ofensiva no a para a pesar di e invierno fuerte y e insurgentenan actualmente ta tene control riba casi mita di e teritorio nacional.

Khalilzad a bisa den un entrevista cu The New York Times cu en principio a yega na un acuerdo cu Taliban riba e cuadro pa un pacto di paz "cu ainda

mester elabora" y cu mester mira ainda si e insurgentenan lo compromete nan mes pa garantisa cu teritorio Afghano no lo ser usa como "plataforma pa grupo o individuo terrorista internacional." El a bisa cu e deal por conduci na un retiro completo di e tropanan Mericano, a cambio di un 'alto al fuego' y un dialogo di Taliban cu gobierno di Afghanistan.

Den su declaracion emiti pa embahada Mericano, Khalilzad a bisa, "Nos a progresa riba temanan vital den nos discusionnan y a yega na acuerdo en principio riba algun tema hopi importante." Ministro di defensa interino di Merca, Patrick Shanahan, a bisa cu el a haya briefing encuan to e negociacionnan y a describi nan como "alentador" pero ela conta prensa tambe cu e departamento no a haya instruccion pa prepara pa un retiro completo di Afghanistan.



Republica di India a celebra 70 aña



ORANJESTAD – Recientemente Republica di India a celebra 70 aña caminda cu prome minister Evelyn Wever-Croes a entrega un bunita discurso. E comunidad Indio a establece nan mes mas o menos 80 aña pasa na Aruba y actualmente ta conta cu 500 residente na Aru-

ba.

E comunidad Indio semper a wordo considera como un comunidad balente y trahado como tambe honesto. E comunidad Indio a contribui grandemente na e desaroyo di economia di nos pais.

“Mi kier uza e oportunidad

aki pa gradici boso pa e confianza cu boso tin den Aruba. Pa den bon y den malo kere den Aruba y keda a pesar di e retonan grandi cu actualmente Aruba ta pasando aden. Nos ta enfrentando retonan economico y financiero. Retonan social. Y nos ta enfrentando retonan di e crisis migratorio di Venezuela. Sinembargo, mi tin siguransa cu a pesar di e retonan aki, si nos keda uni, nos lo enfrenta y vence tur reto hunto. Aruba a vence retonan grandi den pasado, y sigur nos lo vence retonan grandi atrobe. Hunto nos por logra cosnan grandi, pa e comunidad Indio como pa Aruba en general”, prome minister Evelyn Wever-Croes a expresa.



AHATA a instala hunta nobo pa 2019

ORANJESTAD - Recientemente Aruba Hotel & Tourism Association (AHATA) a tene nan prome asamblea general pa e aña aki pa asina instala e hunta di directiva nobo.

Tisa LaSorte, CEO di AHATA, a duna un presentacion na miembronan tocante e ultimo actividadnan di e asociacion y e esfuersonan como nan representate pa e sector priva den turismo di Aruba.

Sigientemente a instala e 13 miembronan di AHATA su hunta pa 2019, esta:
Chairman Joe Najjar di La Cabana Beach Resort & Casino,
Prome Vice-Chairman Paul Gielen di Renaissance Aruba Resort & Casino,
Segundo Vice-Chairman Juan Blanco di Riu Palace Antillas,
Tesorero Ewald Biemans di Bucuti & Tara Beach Resort, Secretario Warren Stanley di De Palm



Tours, y directornan:
Richard Roy di Eagle Aruba Resort & Casino,
Javier Wolter di Caribbean Mercantile Bank,
Karen Chastain di Aruba Marriott & Stellaris Casino
Willie Chin di The Mill Resort & Suites,
Samuel Johnson di Barceló Aruba,
Marin Bijl di Divi & Tamarijn All Inclusive Beach Resort,
Edgar Roelofs di Manchebo Beach Resort & Spa,

Steve Redkoles di The Ritz-Carlton Aruba.

Na final di e asamblea a presenta ultimo informacion di e reforma fiscal di Aruba. E topico aki tabata uno importante pa e miembronan, mirando cu gasto pa haci negoshi a sigi subi den ultimo añanan. Despues di e asamblea general e miembronan a probecha e ocasion pa topa coleganan den turismo, pa intercambia ideanan y informacion pa asina sigui traha hunto na bienestar di turismo.

WE'RE RAISING THE STEAKS.

Chipotle Southwest Steak & Cheese

SUBWAY



Festival di Tumberito tabata un anochi yena cu talento



ORANJESTAD - Durante fin di a siman a tuma luga e festival di Tumberito. Aki ta unda cu 22 tumba a zona den Harbour Arena. Aki tin un bista fotografo di e evento.

Rey di tumberito Pre Infantil-443 punto-awe te dia -Jordan Koolman

Reina di tumberito infantil-504 punto—Carnaval ta nos- Asia Libice

Rey di tumberito 515 punto Xennon Daalmi ta bay Carga Carnaval

Resultado Pre infantil, Infantil hubenil 2019.

Pre-Infantil:

Social Media: Jordan - Jordan Koolman
Rookie of the year: Marshmallow - Jurian Lanoy
Mas popular: King Carl - Carl Anthony Petrochi
Mas popular di SMAC: Mighty Portu - Guivan Monrat
Best Costume: Lil Eza - Ezaharya Arteaga
3er luga: Lil Eza - Ezaharya Arteaga
2do luga: King Carl - Carl Anthony Petrochi
Ganado: Tumberito Jordan - Jordan Kool-

man - Awe te dia

Infantil:

Social Media: Asia - Asia Libice
Rookie of the year: Rowin - Rowin Kock
Mas popular: Queen Zoë - Zoë Boekhoudt
Mas popular SMAC: Asia - Asia Libice
Best Costume: Queen Zoë - Zoë Boekhoudt
4to luga: Rowin - Rowin Kock
3er luga: Queen Zoë - Zoë Boekhoudt
2do luga: JD - Jaydiën Geerman
Ganado: Tumberita Asia - Asia Libice - Carnaval ta nos

Hubenil:

Social Media: Jillian G - Jillian Geerman
Rookie of the year: Queen Za - Zarel Yarzagaray
Mas popular: Queen Giandra- Jurian Angela
Mas Popular SMAC: Queen Giandra - Jurian Angela
Best Costume: Queen Za - Zarel Yarzagaray
5to luga: Jayleen - Jayleen Croes
4to luga: Zhaisky - Zhaisky Kock
3er luga: Queen Za - Zarel Yarzagaray
2do luga: Queen Giandra - Jurienne Angela
Ganador: Tumberito Xenon Daal - Mi tey carga bo



Campeon di Australian Open, Osaka ta #1 den tennis na Asia



MELBOURNE, Australia (AP) — Campeon di Australian Open, Naomi Osaka, ta e prome hungado di Asia pa top e ranking di tennis, tanto masculino como femenino – y ta e muhe mas jong di haci su debut na #1 den nuebe aña.

“Mi ta sinti manera literal-

mente ainda mi ta siñando”, Osaka, di 21 aña di edad, a bisa. “Cada ken ta ahusta mas of menos di ta #1 den diferente manera.”

E 48 siman riba top di ranking di WTA di Simona Halep a caba ayera, ora cu el a slip na #3, despues di un perdida den di cuater ronda contra Serena Williams, un aña despues cu el a yega na e final

na Melbourne Park.

“E meta principal ta pa djis hunga mas bon cu mi por cada wega, pa gana tur wega cu mi hunga, pues e ranking no ta echt importante”, Halep a bisa.

Halep a bisa cu e ranking di fin di aña ta ‘mas importante’ cu unda ta awo, ‘pues mi no ta bay stress mi mes pa esaki’. E di dos titulo consecutivo pa

Osaka, despues di su exito na e U.S. Open aña pasa, a yud’e subi tres luga.

El a nace na Hapon – su mama ta Hapones, su tata ta di Haiti – y a muda na Merca ora e tabatin 3 aña. E tin nacionalidad dobel, y awo ta basa na Florida.

Osaka ta e muhe di mas jong pa alcansa e top desde 2010, ora cu Caroline Wozniacki a haci esaki cu 20 aña di edad.

E finalista na Melbourne Park, Petra Kvitova, a bula di #6 pa #2. Sloane Stephens ta #4, y Karolina Pliskova a subi di #8 pa #5.



Activistanan den futbol campañando pa refugiado Bahraini

ZURICH (AP) — Activistanan den futbol ta campañando pa e libertad di un hungado refugiado di Bahrain, kende a keda deteni na Thailandia, a bisa cu su caso a bira uno di emergencia.

Ex- capitan di Australia, Craig Foster, a bisa ayera na e sede di FIFA cu Bahrain a entrega un peticion formal di extradicion pa Thailandia, pa e retorno di Hakeem al-Araibi. E ex- hungado di ekipo nacional di Bahrain tin status di refugiado na Australia, y ta teme cu e lo wordo tortura na su pais di origen.

“E asunto aki a bira uno di emergencia absoluto”, Foster a bisa, despues di a reuni cu secretario general di FIFA, Fatma Samoura. “Nos kier pa resolve esaki e siman aki, prome cu diabierna.”

Presidente di FIFA, Gianni Infantino, lo uni lidernan di futbol Asiatico na fin di e siman aki pa e final di Cup Asiatico na Abu Dhabi, Emirato Arabe Uni.

FIFA ta di acuerdo cu e sostenedonan di al-Araibi, segun Foster, cu nan tin cu mehora contacto cu gobierno y oficialnan di futbol na Bahrain y na Thailandia, ‘y mas cu claro e famia real di Bahrain’.

Samura a skirbi den sosten di al-Araibi na e prome minister di Thailandia,



Prayuth Chan-ocha. E presidente di e Confederacion di Futbol Asiatico ta Sheikh Salman Bin Ibrahim al-Khalifa di Bahrain.

“Nos ta kere cu e (al-Araibi) ta un preso politico, despues di a critica miembronan di e famia real Bahraini den añanan recien”, segun Foster, un analista di television y ex- oficial di union di hungadonan na Australia.

Al-Araibi ta den prizon desde november na Thailand – unda el a yega cu su casa pa vakantie – riba un nota di Interpol, cual a ser pidi pa Bahrain in-

corectamente, ya cu e ta un refugiado reconoci.

Gruponan di derecho humano ta kere cu al-Araibi ta den riesgo di tortura na Bahrain, for di unda el a huy na 2014. E aña ey, el a wordo sentencia den ausencia na 10 aña di prizon, riba un cargo cu e ta nenga, di vandalisa un warda di polis.

Al-Araibi a bisa cu el a bira enfoka di aresto pa motibo di su fe Shiita, y tambe pasobra su ruman homber tabata politicamente activo. Bahrain ta goberna pa un monarkia Sunni, cu a sobrevivi un levantamento fayido

durante e ‘Arab Spring’ di protesta na 2011.

Australia a dun’e asilo politico na 2017, y awo e ta hunga pa e club Pascoe Vale na Melbourne.

Foster, kende a bishita al-Araibi na un prizon na Bangkok siman pasa, ta conta cu apoyo di un otro Australia- no, Brendan Schwab. E ta e director checutivo di e Asociacion Mundial di Hungadonan, cu ta representa 85,000 atleta di tur deporte.

“E marco di FIFA pa derechonan humano, cu ta na vigor den ultimo añanan, nos ta kere ta e base pa e resto di deporte”, Schwab a bisa. “Ta algo cu nos kier mira teni como un chempel.”

E cuerpo di futbol Asiatico a bisa cu Sheikh Salman a recusa su mes for di e caso, pa evita un conflicto di interes. E no a duna sosten formal na e peticion di FIFA pa debilbe al-Araibi na Australia.

Ex- candidato presidencial di FIFA, prins Ali bin Al-Hussein, kende a competi contra Infantino y Sheikh Salman na e eleccion di 2016, si a duna sosten na e hungado.

“Libera Hakeem!” e prins Jordano a skirbi diadomingo riba su cuenta di Twitter. “Boso silencio como oficialnan ta un berguensa y bochoro total. Proteha boso hungadonan.”

Serie di Caribe ta bay di Venezuela pa Panama

CARACAS, Venezuela (AP) — E Serie di Caribe, cuminsando proximo siman, a wordo hiba for di Venezuela na Panama, pa motibonan di siguridad.


Notario di Caribbean Professional Baseball Leagues, Juan Francisco Puella, a anuncia e decision ayera. E serie lo cuminsa di 4 di februari na Rod Carew National Stadium, na Ciudad di Panama. Protestanan violento a re-

anuda na Venezuela desde cu legislador di oposicion Juan Guaidó a declara su mes presidente interino, desafiando presidente Nicolas Maduro.

Minister di deporte di Venezuela, Pedro Infante, a roga pa e serie keda na Barquisimeto manera plania, bisando cu e gobierno por garantiza siguridad.

MLB, basa na Merca, a urgi e hungadonan y staf pa no biaha pa Venezuela pa e serie.

Malasia desafiante apesar di perde evento Paralimpico



KUALA LUMPUR, Malaysia (AP) — Gobierno di Malaysia ta keda desafiante, a pesar cu a perde e derecho di ta anfitrión pa e Campeonato Mundial di Para Landamento, despues cu a prohibi Israelinan pa competi den e evento, cual ta un competencia di cualificacion pa e Tokyo Paralympics di 2020.

Prome minister di Malaysia, Mahatir Mohammad, no a pidi disculpa.

“Nos ta keda para riba nos principio, cual ta cu Israel ta un nacion criminal. E ta bin kibrando ley internacional, sin niun hende bisa nada”, el a bisa ayera. “Nos tin derecho di expresa nos sentimentonan y di tin nos mesun politicanan.”

Minister di deporte, Syed Saddiq Syed Abdul Rahman, a bisa cu Malaysia no lo compromete su decision ‘basa riba humanidad y compasion pa e causa Palestino’.

E prohibicion a haci cu e Comité Paralimpico Internacional diadomingo a retira e derechonan di anfitrión di Malaysia. E evento ta inclui como 70 pais, y lo mester a tuma luga entre diano 29 di juli y 4 di augustus proximo. E luna aki, gobierno Malay a bisa cu ningun delegado Israeli por drenta Malaysia pa deporte of otro eventonan, den solidaridad cu e Palestinonan.

Principalmente un pais musulim, Malaysia ta un defensor fuerte di e causa Palestino, y no tin relacion diplomatico cu Israel.

Violencia di Hooligans mas impactante den hopi aña




LONDON (AP) — Un homber a sufri herida riba su cara cu lo afect’e pa henter su bida, y un oficial di polis ta hospitalisa, pa motibo di pelea entre fanaticonan di dos ekipo di futbol Ingles, cual polis a describi como e pio cu a tuma luga na London den añanan.

Video a circula riba rednan social diasabra, mustrand un grupo grandi di homber, supuestamente fanaticonan di Everton y Millwal, bringando na sur di London prome cu un wega di FA Cup entre e ekiponan aki e dia ey. Polis metropolitano di London a bisa cu e pelea a tuma

luga den transcurso di un cantidad di ora, y ta ocasiona cu mester a manda mas cu 200 oficial di polis. Entre esunnan involvi tabata un homber, di como 20 aña, kende su cara a keda corta.

Matt Tist, e notario asistent di e cuerpo policial, a bisa cu e desorden ‘tabata un di e violencia pa futbol mas shockeante cu nos a mira pa basta tempo’.

Polis tambe ta investigando kehonan di gritonan racista cu a tuma luga durante e wega, cual Millwall a gana 3-2.



BNDIA
ARUBA

Laga nos
STOP
di Skonde

ABUSO CONTRA MUCHA
kibra silencio yama:
588-1010

Inauguración di Rancho Bello Amanecer na Paradera

ORANJESTAD - A keda inaugura e Rancho Bello Amanecer bou e nomber di Compleho Deportivo Equino Juancho Irausquin, den honor di e tata di sr. Anthony Irausquin, ken ta doño di e luga.

Sr. Irausquin a organisa e prome evento na e luga, cu un competencia oficial cu a dura tres dia, cabando ayera cu competidonan di Colombia, Aruba y Corsou. El a splica cu di Corsou a bin mas of menos 20 mucha di edad entre 5 aña te 25 bay riba pa competi, competencia di yewa y competencia di paseo, e ganadonan a haya su sientanan y medaya como premio. Aki ta unda cu Zoey Arends a bira e miho Amazona durante di Feria Betico Croes 2019.



Parlamentario Marlon Sneek(AVP):

‘Un biaha mas e falta di vision y incapacidad di Gabinete Wever Croes ta resalta’

ORANJESTAD - Siman pasa na hermana isla Corsou a tuma luga un tremendo actividad pa stimula economia di e isla caminda prome minister di Hulanda a bay Corsou cu representante di 40 compania Hulandes pa wal posibilidad nan pa haci negoshi y diversifica Economia.

Awe nos ta wak cu e decisionnan cu gabinete Wever Croes a tuma na momento di a drenta gobierno, pa para e Proyecto di gobierno di AVP, ‘Europe meets America’ cu tabata e base pa cuminsa cu un pilar economico nobo pa nos pais.

Parlamentario di fraccion di AVP, Marlon Sneek a mostra cu pa falta di vision di gabinete Wever Croes na momento di e tuma e decision aki, a pone cu siman pasa Aruba a perde e posibilidad aki cu bishita di un delegacion comercial pa Corsou, caminda a firma varios MOU pa converti Corsou den un hub entre Europa y America.

Marlon Sneek a sigui muestra cu no solamente gobierno no tin un vision economico ainda pero e incapacidad pa analisa desaroyonan cu tin pa e pais, mester a para mira con un delegacion di Hulanda cu un grupo di mas cu 40 comerciante y inversionista, a baha bay Corsou ya cu gobierno di Aruba no a sigui cu e proyecto aki.



“Tur loke Aruba a haya siman pasa tabata un bishita di pasa, come y bay dor di prome minister Rutte, reuni algun minuut cu fraccionnan den parlamento, haci un bishita na gobernador algun presentacion y a regresa Hulanda den oranan di anochi.

Tur esfuerso cu gabinete Mike Eman a haca pa varios aña caba, trabounan di preparacion cu a wordo haci pa converti Aruba den un hub comercial entre sur America y Europa, entre otro cu mudamento di waf pa Barchinera, a bay perdi.

E falta di vision y incapacidad di gobernantenan actual ta pone cu awe

Aruba a perde e pilar economico aki y esaki casi sigur lo bay bira e isla di Corsou cu mesora a gara e posibilidad aki cu man habri.

Hasta Secretario di Estado Knops a forma parti di e delegacion aki cu a reuni cu varios instancia na Corsou despues cu gobierno di Aruba a dicidi di negligencia y no sigui cu e proyecto aki, pensando cu nan ta perhudicando partido AVP pero en realidad nan a perhudica nos propio pais pa crea un otro pilar economico.

E bishita di premier Rutte tabata simplemente un formalidad, un forma di gasta algun ora na Aruba prome cu

el a regresa Hulanda pero sin cu por mira algo cu su bishita lo a trece pa nos pais y riba dje reuni cu un gobierno cu no tin un vision pa discuti di e mandatario Hulandes.

Pa hopi tempo gobierno di AVP a traha riba e posibilidad grandi aki y a crea e departamento di Europe Meets America pa converti Aruba den un hub comercial entre continente Americano cu esun Europeo, caminda tabata cla pa sigura lasonan comercial nobo, crea un pilar economico solido pa nos pais y caminda nos hendenan cu nan experticio di nan conocimiento di tanto e cultura Sur Americano como esun Europeo, lo tabata di gran importancia.

Sinembargo e mentalidad troci, e incapacidad pa goberna combina cu e falta di vision total pa goberna nos pais, a pone cu e proyecto aki practicamente lo bay wordo ehecuto pa gobierno di Corsou cu no a perde pa gana y a firma diferente MOU pa realisation di e proyecto aki.

Realmente algo tristo caminda no solamente gabinete Wever Croes a hinca nos pais den un recesion cu su maneho di medida contra pueblo, e gobierno aki simplemente no sa kico pa haci pa crea un otro pilar economico,” e lider di fraccion di AVP, Marlon Sneek a declara

Parlamentario Mike de Meza(AVP):

‘Prome Minister ta gaña y no ta haciendo nada pa mantene refineria habri’

ORANJESTAD - Desde cu e gobierno a haci su entrada no ta scuchando hopi over di Citgo, unda ta mira cu a tuma luga lo minimo. Tempo cu gobierno a cambia na 2017 tabatin 600 y pico persona tabata labora den refineria. Nan tabata traha riba e proyectonan, e estimacionnan cu nan mester a haci y inspeccion.

E tabata un proceso intensivo cu e gobierno anterior a cana e tempo ey, unda cu nan a bishita Houston, Venezuela y hopi biaha nan tambe a bin Aruba pa haci bishita. A papia riba tur posibel opcionnan cu tabata existi na mundo. Tur esaki tabata conta e tempo ey pa Brazil, Trinidad, Venezuela Colombia, e paisnan Arabe, companianan di Merca, Europa, asina Parlamentario di Fraccion di AVP, Mike de Meza, a expresa. A logra di haya un compania renombra mundialmente y sigur na Merca cu tabata Citgo.

E tempo ey gobierno a negosha y a yega na un contract unda cu e trabounan a cuminsa. Te cu na November 2017 trabounan tabata tuma luga. Pero ta di lamenta cu ora e gobierno aki a drenta, kendenan a pretende di para dilanti Citgo algun aña atras, y a haci masha desordo sabiendo cu nan mes a causa e cierre di refineria. Awe no ta tende nada mas, parlamentario de Meza a expresa.

E prome gañamento di prome minister Evelyn Wever-Croes tabata ora el a bisa den Parlamento cu e tin contactonan rond mundo y na Venezuela tambe,



cu e tin inversionistanan. Desde e momento cu nan a drenta, e por a sinta 1 of 2 biaha cu algun persona di Citgo pero nada a tuma luga. Comparando cu e tempo partido AVP tabata den gobierno, nos a lucha, traha duro pa haya e proyecto aki pasobra e tabata algo sumamente importante pa Aruba.

MEP a priminti cosnan pero nan no ta cumpli cu

ne door di nan incapacidad y nan tin dos partner cu cuchiu riba mesa cu e refineria aki cueste loke cueste e mester cera. Esaki ta un muestra cu MEP lo bay den historia cu semper tabata e partido cu na momento a cera e refineria tabata t’ey. E refineria mester ta habri, mester ta den operacion, nan conoce e trabou, nan conoce inversionistanan. Tempo cu nan mester a vota den Parlamento pa sobrevivencia di refineria, tur a vota contra. E tempo ey e prome minister no a vota y a bandona e reunion pasobra e tabatin otro cosnan priva pa haci.

E contactonan cu fraccion di AVP no ta mescos cu ora nan tabata den gobierno. For di posicion di parlamento den oposicion, bo ta respeta e posicion di gobierno tambe. Gobierno ta esun cu ta autorisa den e maneho, di tin e mando di pueblo pa bay sinta negosha. “Nos ta purba di tin algun contacto. Y nos tin algun contacto cu ta indica cu no tin niun relacion entre gobierno di Aruba y e compania di Citgo.” Nada no ta tumando luga y tur cos ta pa nan cuenta y na fin di dia ta mira un proyecto cu ta bayendo malo tur dia y e ta bay atras. E gobierno aki no ta haciendo nada mas pe proyecto aki sabiendo cu tin Citgo, kieren sinta na mesa y busca solucion. Stop di hunga politica, stop di priminti hende, traha pa tur hende mira kico bo ta haciendo. Si Citgo no cumpli, gobierno sa bon bon cu tin otro a bati na porta. Prome Minister a gaña nan di no por sinta na mesa pasobra tin contract. Por sinta na mesa y no mester bin cu discusion, pero simplemente busca informacion pasobra e ta mirando kico ta pasando y mester busca solucion.

Parlamentario Endy Croes(MEP):

‘Mike De Meza cu hopi manteca riba su cabes kier defende Franklin Hoevertsz a la Machiavelli’



ORANEJSTAD - Parlamentario Endy Croes mas y mas ta conveni cu Mike Eman ta siña su discipulonnan manera Mike De Meza, Benny Sevinger, Marlon Sneek, Arthur Dowers y demas politiconan riba e lista berde e politica a la Machiavelli.

Nicolo di Bernardo dei Machiavelli ta un Italiano diplomatico, historiado politico di siglo 1500. Machiavelli tabata un admirado di e Dictador Romano Cincinnatus. Machiavelli a skirbi un obra “The Prince” na 1513 unda a describi cu comportacion in-

moral, manera deshonestidad, mata inocentenan pa keda den poder ta normal y efectivo den politica. Te hasta e tabata curasha otronan pa haci esaki den algun situacion. E buki te hasta a haya popularidad door di siña y recomenda e titanonan e tempo aya con pa haci maldad pa keda na poder. Segun Parlamentario Endy Croes ora e scucha Mike Eman, Mike De Meza, Benny Sevinger, Marlon Sneek, Arthur Dowers y demas politiconan di AVP papia y compara esaki cu nan actonan, e ta conclui cu 100% Mike Eman a siña su discipulonnan e practica di Michiavelli cual Mike Eman

mes a bin ta practica pa hopi aña caba.

Lista di compania di mercadeo

Mike De Meza recientemente den Bon Dia Aruba a skirbi un articulo uzando palabranan masha bunita pa defende Franklin Hoevertsz. Segun Mike de Meza esaki ta un retiro sin motibo. Segun De Meza si ta pa motibo cu Hoevertsz a abstene di suministra e lista di compania di mercadeo “Tera Group” y otro companianan cual e compania di Utilidad tabata patronisa no por ta un bon argumento. Figura bo pueblo cu Tera Group so a strica 400 mil florin den Utilities y un otro 626 mil den Elmar sin conta e 5 Miyon cu nan a cobra den gobierno mes. Horizon di Richard Lacle di AVP a strica 585 mil den Utilities pa duna conseho sin conta RDA y mas di 2 miyon cu el a strica den gobierno. Awor gobierno nobo cu ta 100% doño di e companianan estatal aki no por haya un lista di unda e placa a wordo gasta, anto pa De Meza esaki ta masha normal?

Bulamento di cabes sin piedad

De Meza ta continua bisando cu hobennan studia ta kitando for di companianan estatal pasobra nan no kier

traha den companianan cu ta politiek verziekt. Ki muestra bo ta duna bo pais y na e hobennan cu ta bini bek segun De Meza? Parlamentario Endy Croes a keda babuca momento di lesa e articulo di Mike De Meza kende alabes tin basta manteca riba su cabes. Pa refresca memoria di Mike De Meza alrespecto su declaracion, den Lotto Pa Deporte na final di 2009 y inicio di 2010 asina cu AVP a sinta Mike De Meza tabata esun encarga cu Lotto y a laga kita 12 hende for di trabao na un manera sin escrupulo a la Machiavelli. Te hasta tabata tin un bon mucha homber cu poco limitacion cu Lotto a duna trabao na Stadion a wordo kita malamente. Famianan mester a roga y bay corte pa asina e por a wordo emplea bek. Asina mayoria mester a bringa nan caso y a gana y a bay bek trabao. Mike de Meza a lubida esaki momento el a skirbi e articulo aki?

Mike de Meza, sin escrupulo

Mike de Meza a kita Oslin Boekhoudt, ex director di WEB for di trabao pasobra director a abstene di duna Mike de Meza como accionista indirecto di WEB informacionnan cu Mike a pidi y a splica cu p’esey Mike de Meza no tabata tin confiansa mas den e director. E director e tempo aya a duna tur informacion cu a wordo pidi corectamente na e hunta di comisario di WEB. Toch Mike de Meza a kit’e na un forma abrupto y sin escrupulo. Den corte di apelacion Mike de Meza a bolbe perde den un forma mahos y corte a declara esaki como retiro politico y uno irasonabel. Publicamente esta den pueblo Mike de Meza kier e bende e retiro aki pa cu e problemanan di “Hedging” pero den corte Mike a chicken out completamente y a bisa cu meramente e no tin confiansa mas den Boekhoudt.

Di parlamento pa cas

Pues awe net De Meza ta pronuncia palabranan bunita rond di e caso di su amigo Hoevertsz pero ta net lo contrario na su echonan den e caso di ex director di WEB Boekhoudt. Mike de Meza a lubida hopi lihe con el a kita 5 empleado di Departamento di Impuesto sin motibo entre otro Ritza Hernandez y Angela y 3 miembro mas di staf? Mike De Meza a perde tur e casonan aki den corte y mester a yega na areglo di pago cu tur. Den corte hues a coy su lomba bisando literalmente cu e abusado aki tabata zaag na e pianan di estado di derecho. Pues Mike De Meza ta hibando un politica di a la Machiavelli, a la Mike Eman. Papia un cos pero haci lo contrario na un manera deshonesto matando e moral y caracter di hopi yiu di tera como si fuera ta masha normal pa asina purba yega bek na poder. Foei Mike De Meza. Di parlamento pa cas y no mas!!!!

Ora di STUUR pone bo cel abou

E text por warda Bo bida NO

Parlamentario Michael Lampe (AVP):

‘Interes grandi di hobennan den politica pa futuro’

ORANJESTAD - Lectura “Leadership & new generation of politicians” tabata hopi inspirativo tanto di banda di e oradornan como tambe e puntonan cu tabatin riba agenda cu a muestra e interes cu tabatin pa cu e anochi aki, asina parlamentario Michael Lampe a remarca. “Un sala cu a keda chikito pa tur e hobennan cu a presenta pa e tema di Futuro Politico y Liderazgo y mi ta kere ta algo hopi great pa mira”.

Mas leu e Parlamentario a duna di conoce cu “Sigur inspirativo na mi mes persona pa oradornan manera Sharleen Tromp y Karsten Klein duna nan presentacion. Shar-

leen di su banda a pone nos reflexiona riba nos proposito di bida, kico ta e liderazgo nobo y con nos hobennan, e generacion nobo, ta mir’e y ta kere den un liderazgo unda ta traha cu proposito, con ta hacie.

Michael Lampe a continua bisando cu el a disfruta di e anochi yena di energia y un atmosfera positivo, tur presente por a sinti esaki y sigur ta felicita e Hobennan di Plataforma Profesional pa un anochi exitoso y bon organisa. E parlamentario a menciona tambe e hoben politico di partido CDA di Hulanda, Karsten Klein cu a haci un tremendo presentacion.

A comparti su experiencia



como politico, como hoben cu a tuma e paso na edad jong y dicidi esaki ta e caminda e por tin un impacto positivo riba su comunidad. Lampe ta mira su mes tambe den e mesun situacion, biniendo for di un otro angulo y a dal e paso di drenta politica. E ta sinti su mes hopi inspira y ta segura cu e ta un bon paso pasobra mester di hobennan profesional pa forma parti na un desaroyo positivo pa nos isla.

Finalisando Michael Lampe ta bisa cu e por mira for di partido AVP cu nan semper ta innova, un partido sigur profesional, cu ta representa

comunidad den e diferente forma, prepara nos hobennan bon prome cu asumi diferente responsabilidad, un partido cu den gobernacion of den oposicion semper ta traha na bienestar di Aruba y esaki ta algun punto masha atractivo di e organizacion politico y awe por a reconfirmar esaki cu e plataforma di Hobennan Profesional cu ta muestra cu Aruba y siguramente e generacion nobo ta cla pa tin lidernan cu ta compronde un forma di hiba politica diferente y liderazgo nobo.

Ta mira generacion cu ta contribui na algo mas grandi cu djis solamente e partido pero ta un vision y anochi aki a muestra cu e interes ey t’ey tambe den partido pa keda renoba, cu miras riba futuro cu e generacion aki. “Hopi orguyoso di bisa cu e hobennan di plataforma a haci un tremendo trabou y ta un di e serie di proyectonan cu lo bin dilanti y ta keda na nos a hobennan pa sigui desaroya den un manera positivo pa local ta e partido y Aruba”, asina e Parlamentario a finalisa bisando.



**Like
us on
Facebook**

facebook.com/bondianoticia

Parlamentario Alan Howell(POR):

Habitantenan di Mabon/Brazil lo mira nan deseo di añanan bira realidad

ORANJESTAD - Siman pasa habitantenan di Mabon/Brazil a bira super feliz na momento cu nan a mira nan deseo di añanan bira un realidad. Alan Howell a indica cu el a drenta den politica pa haci un diferencia y esey lo sigui ta su vision y mision.

“Den parlamento mi a haci na varios ocasion peticion na minister Oduber pa cumpli cu deseonan di nos pueblo y specialmente mi hendenan di pariba di brug y San Nicolas. Awo a toca turno di e bario di Mabon/Brazil pa e cayanan wordo asfalta. Asina aki minister Oduber ta demostra cu e ta traha duro y e ta cumpli cu deseonan di pueblo. Un danki tambe pa DOW cu ta pushando hopi trabou tras di otro. Habitantenan di Rooi Master keda pendiente! Together We Can Make It Better”, Alan Howell a finalisa bisando.



MEP a celebra Dia di Betico cu su tradicional koffiemorgen



SANTA CRUZ - Diabierna ultimo, partido MEP hunto cu Forsa Femenino Grace, e hala femenino di Partido MEP, a celebra Dia di Betico cu e tradicional Kof-

fiemorgen na Cede di MEP. For di tempran mainta hendenan a cuminsa yega pa disfruta di dushi bolo y un bon koffie.

Lider di MEP, Parlamentarionan di Fraccion di MEP y demas candidatonan di MEP a pasa pa saluda esunnan presente.

Presidente di Forsa Femenino Grace señora Yuyu Croes ta gradici tur cu a coopera na exito di e evento aki na unda por a pasa un rato ameno den e gran famia di MEP.

Start di torneo di dam pa aña 2019



ORANJESTAD - Awe diamars dia 29 di januari, Club di dam Arowak lo start cu su campeonato di Aruba pa aña 2019.

E torneo aki, lo wordo hunga segun sistema di round robin doublé round. Tur hungado ta topa otro 2 biaha. Un biaha cu e color blanco y un biaha cu e color preto. Cada hungado ta haya 1 ora di tempo y despues di cada hugada ta bini 30 seconde acerca.

Weganan ta start pa 7:00 di anochi y ta wordo

hunga den nos clubhouse na Nieuwstraat 11, Oranjestad. Esaki ta riba e plein Niki Habibe, unda e tram ta lora bay bek.

Tur hungado di dam ta bon bini. Si bo ta hunga dam, pero nunca bo a yega di hunga un competencia, bo ta bon bini den nos club.

Pa mas informacion, por tuma contacto cu Mario Jansen na cel. 569-6471 of Rolin Croes cel. 593-6817 of Octavio Croes na 594-5590



“Señor ta mi wardador, mi’n tin falta di nada Den cunucu di yerba berde e ta ponemi sosega. E ta hibami na awa trankil, Pa mi bolbe haña forza”.

Salmo: 23

Cu inmenso dolor na nos curason, pero conforme cu Dios su boluntad nos ta anuncia fayecimento di:




Edwin Ramiro Yrausquin

Mihor conoci como ‘Motin’


*02-02-1954 - †24-01-2019

Condolencia lo tuma lugar diadomingo 27 di januari 2019 di 6or pa 9or di anochi na Weg Seroe Blanco # 16.

Acto di entierro lo wordo anuncia despues


GOBIERNO DI ARUBA

Tin e tristo deber di anuncia fayecimento di



Sr. mr. Alfonso Ligorio Nicolaas
mihor conoci como: **Boy**
*02-08-1939 – †21-01-2019

ex – Voorzitter di Raad van Advies Aruba
ex – Director di Direktie Financiën Aruba
ex – President Curator Universiteit van Aruba
ex – Voorzitter Raad van Commissarissen Algemeen Pensioenfonds Aruba
ex – Hoofd Financiën Eilandgebied Aruba

Acto di entierro lo tuma lugar diamars 29 januari 2019 di 13:00pm pa 16:00pm na Misa La Birgen di Fatima na Dakota y despues lo sali pa Santana Catholico na Boerhavenstraat Oranjestad.
Palabranan di profundo condolencia ta bay na su famia y amistadnan

Gabinete Wever-Croes

BONDIA
ARUBA



BISA
NO NA
ABUSO

Abuso di mucha ta tur forma di agresion fisico, emocional, sexual y negligencia cu por pasa cu mucha entre 0 - 18 aña.
E abuso tin consecuencianan serio pa e desaroyo di e mucha.

Mucha tambe tin derecho



“Señor ta mi wardador mi no tin falta di nada”
Salmo 23

Cu inmenso dolor den nos curazon pero conforme cu boluntad di Dios y agradecido pa loke el a haci y nifica pa nos, nos ta participa fayecimento di nos querido y inolvidable esposo, tata, opa, ruman, tio y swa stima:



Sr. mr. Alfonso Ligorio Nicolaas

mihor conoci como: **Boy**

ex - Voorzitter di Raad van Advies Aruba
ex - Director di Direktie Financiën Aruba
ex - President Curator Universiteit van Aruba
ex - Voorzitter Raad van Commissarissen Algemeen Pensioenfonds Aruba
- ex - Hoofd Financiën Eilandgebied Aruba
*02-08-1939 - †21-01-2019

Na number di su:

- querida Esposa: sra. Carmen Nicolaas – Williams
- estimada yiuinan: Alfredo (Tino) y Anneke Nicolaas- Lucas Carmen Nicolaas y Gerard Thijsen

Raymond Nicolaas

- Amadée Nicolaas
- Amadeo Nicolaas
- nieta y nietonan: Paul y Marc Nicolaas Annuar, Farida y Khair Kock
- rumannan: Vdo. Eustaquio (Bubu/ Nick) Nicolaas Euladio (Elio) y Anchi Nicolaas - Angela Vda. Helena (Lena) Wanga- Nicolaas Vda. Lelia Verweij Nicolaas Juan(cito) y Diana Nicolaas - Rasmijn
- tanta di respet: sra Vda Maria (Chechi) Gonesh – Eiybregts
- swa y cuñanan: Richard (Aatje) y Marlyn Williams - Franken

Jeanette (Netty) Williams y Arturo Werleman Karel (Caicai) y Maritza Williams - Koolman Ermine (Mienke) y Felix Thiel-Williams Micheal Williams

Carol (Sherly) y Jose (Chelo) Pesqueira - Williams
- Subrino y subrinanan , primo y primanan , amigo y conocirnan na Aruba, Boneiro, Corsow y Hulanda.

Demas famianan: Nicolaas, Williams, Vasseur, Lucas, Kock, Thijsen, Angela, Wanga, Rasmijn, Zoetrum, Frans, Tjin-A- Shoe, Agostien, Francees, Martis, George, Statia, Statie, Gonesh, Eybregts, Rog y Betrian.

Acto di entierro lo tuma lugar diamars 29 di januari 2019 di 13:00pm pa 16:00pm na Misa La Birgen di Fatima na Dakota y despues lo sali pa Santana Catholico na Boerhavenstraat Oranjestad.

Nos disculpa si den nos tristeza nos por a lubida cualkier famia of conocir.

Enbes di flor of krans lo aprecia un donación pa Stichting Ontwikkelen Speciale Sporten. RBC Acct nr.: 7700000040568927. Lo tin un box tambe disponibel den misa.

Despues di entierro nos no lo por ricibi bishita di condolencia na cas.



“Señor ta mi wardador, mi’n tin falta di nada
Den cunucu di yerba berde e ta ponemi sosega.

E ta hibami na awa trankil,
Pa mi bolbe haña forsa”.
Salmo: 23

Cu honda pena, pero conforme cu boluntad di Dios, nos ta anuncia cu a bay drumi den brasa di Señor, nos estimada ruman, tanta, cuña y amiga stima:



Sra. Aura Virginia Herónimo Kock

Vda di Jani Herónimo
*7 November 1944 – †23 Januari 2019

Mama: †Brigida Kock

Tata: †Wenceslao Kock

Rumannan:

†Roberto Kock y famia
†Marco y sra. vda Ninita Kock Bermudez y famia
Edna Kock y famia
Pedro y esposa Mariana Kock Alberts y famia
Imelda y esposo Oslin Quijada y famia
Vera Kock y Denis Oduber y famia
†Lucia y Viviano Krosendijk y famia
Evelina Kock y famia
Yolanda y esposo Reynold Arends y famia

Cuña: Ana Maria Briesen Herónimo y famia

Sobrino y sobrinanan, primo y primanan

Amiga stima manera ruman: Salome Maduro Henriquez

Amigonan di cas: Ruchie Everon, Robert Everon, Nel Dirks, Nadie Dijkhof, Basilio Geerman, Dino Growell, Ricardo Hernandez, Danilo Vrolijk

Su ayudante cu a stime y cuide: Marina Vera
Su compañeronan, staf y personal di Cas di Machi

Demas famianan: Kock, Herónimo. Henriquez, Bermudez, Vrolijk, Alberts, Quijada, Oduber, Krosendijk, Arends. Briesen, Werleman. Arbona, Jansen, Rojas, Steigenberger, Becker, Loepstop, Thiel, Ras, Quandus, Rasmijn, Koolman, Donata, Brema, Van der Biezen, Croes, Growell, Everon

Ta invita pa acto di condolencia y entierro cual lo tuma lugar na Aurora Funeral Home diamars 29 di januari 2019 di 2or pa 4or di atardi. Despues lo sali pa Santana Catolico na Paradera.

Disculpa nos si den nos tristesa nos por a lubida algun famia of conocir.



“Cu inmenso tristeza na nos curazon, pero agradecido pa su stimacion y tur loke e a significa pa nos durante su bida, nos ta participa fayecimento Cristianamente di”:



Sr. Vdo. Fabiano Sebastiano Kelly

Mihor conoci como ‘Fabian’ of ‘Fabi’
20 januari 1924 - 23 januari 2019
Ex miembro di Eilandsraad Aruba

Na number di su:

Estimada esposa: †Johanna (Anny) Kelly-Trimon

Yuinan: Myrna Kelly
Arturo Kelly
Giovanni Kelly
Rossi Kelly
Roy Kelly

Nieto(a)nan: Juliënne Dijkhoff
Giancarla y André Postema (NL)
Vanessa Kelly
Giovannino Kelly (USA)
Giannina y Fred Davies (USA)
Giovanni II Kelly (USA)
Angelique (NL), Benjhamino, Charmaine Giel

Bisanietonan:

Tianna, Matthew y Jakob Davies (USA)
Tyler Martina (NL)

Ruman nan: †Higinio Kelly y famia
†Juan Kelly y famia
†Viola Dijkhoff y famia
†Marco Kelly y famia

Swa y Cuñanan: †Lucia Dijkhoff y famia
†Merco y Lena Trimon-Geerman y famia
†Enrique Trimon y famia
†Thomas y Jonka Trimon-Croes y famia
†Julieta Erasmus y famia
†Anselmo Trimon y famia
†Margarita Donata y famia
Emma Odor y famia
†Fita y Chinto Tromp y famia
Andres y Clara Trimon-Arendondo y famia

Tanta- y Omonan, Subrina(o)nan, Prima(o)nan, Madrina, Padrino, Comer- y compernan y Ihanan.

Ayudante stima: Josefa (Jonka) Valentin

Otro ayudantenan: Mika y Sheila

Famianan: Kelly, Trimon, Dijkhoff, Giel, Bislik, Erasmus, Donata, Odor, Tromp,Arrendondo, Semeleer, Semeleer, Heide, Romano, Geerman, Croes, DeCarrolis, LoCasio, Marquez, Rasmijn, Martina, Lacle, Crawford y demas famianan.

Bon amistadnan: Celina, Pedro Luis y yuinan (VEN), Ana Oleana y famia (CUR), Maribel Valentin y famia
Y demas conocirnan ta invita pa asisti acto di entierro cual ta tuma lugar diaranson 30 di januari 2019 di 2or pa 4or di atardi na Aurora Funeral despues saliendo pa Santana central na Sabana Basora.

Adres pa condolencia: Aurora Funeral, diamars 29 di januari 2019 di 7or pa 9or di anochi.

Nos ta lamenta cu despues di entierro nos no por ricibi bishita di condolencia na cas.

Nos kier a pidi nos disculpa si nos por a lubida un of otro famia den nos tristeza.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 28 Jan 2019 Anochi

CATACHI
Sorteo # 6694
5551
7280
1120
BIG 4
Sorteo # 5738
9680
1OFF
Sorteo # 443
3484
ZODIAC
Sorteo # 4497
5341
Cancer
KORSOU
Sorteo # 2307
0011
8844
1184

LOTTO 5	
Sorteo # 1970	Joker Letter
0 x Jackpot	
0 x Match 4+	
3 x Match 4	
82 x Afl. 12,00	210.000,-

LOTTO DI DIA	06-08-15-16-20
Sorteo # 4662	Proximo Jackpot
0 x Jackpot	
3 x Match 4	
127 x Afl. 8,00	66.000,-

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	330.000,-

MINI MEGA PLUS	Afl. 430.000,-
-----------------------	-----------------------



DIARIO 3453-5736-3720

SUPER 4 9988

FLAMINGO 1461-1642-5147

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com

Resultado di Sorteo 28 Jan 2019 Merdia

CATACHI
Sorteo # 2460
3171
3343
3293
BIG 4
Sorteo # 2460
1204
1OFF
Sorteo # 516
1930
ZODIAC
Sorteo # 2460
8217
Tauro

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	210.000,-

LOTTO DI DIA	
Sorteo #	Proximo Jackpot
0 x Jackpot	
0 x Match 4	
0 x Afl. 8,00	65.000,-

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	330.000,-

MINI MEGA PLUS	Afl. 430.000,-
-----------------------	-----------------------



Aries

Lo bay tin situacionnan cu lo laga bo reflexiona hopi. Si bo propone bo mes pa bay dilanti cu bo bida, y haci di bo oranan algo bunita y creativo. Nummernan pa awe: 16, 23, 33 y 41..



Tauro

Lo bo bay resolve satisfactoriamente un problema sentimental. Bo presencia lo ta un impacto pa tur hende y lo bo haya loke tabata parce poco probabel. Confia bo sentimentonan. Nummernan pa awe: 3, 14, 25 y 35.



Geminis

Un encuentro inespera lo trece dicha na bo bida. Temponan ta cambia y abo, como parti di e cambio aki, bo tin cu bay adapta bo mes tur dia pa nan no gara bo for di base. Nummernan pa awe: 9, 18, 34 y 44.



Cancer

Bo perspectivanan di realidad ta cambia y ta beneficia bo considerablemente. Esaki ta un dia cu tur cos por sosode no solamente lo cambia, sino lo beneficia bo. Nummernan pa awe: 5, 28, 32 y 41.



Leo

Luna ta drenta den bo signo, tuma loke lo sosode cu bo den un forma positivo. E experiencianan cu tabata recientemente den bo bida personal lo yuda bo hopi. Nummernan pa awe: 2, 28, 37 y 51.



Virgo

Esaki ta un comienso di siman cu hopi bon expectativa. Lo bay tin e ocasion di caba cu un asunto cu no tabata cumbini bo. Sin embargo, bo ta algo preocupa. Nummernan pa awe: 6, 16, 40 y 49.



Libra

Ta sosode situacionnan cu ta trece alegria. Riba plan sentimental, ta acercando proposicionnan cu ta pone bo pensa, si bo ta soltero y bo a cuminsa sali cu un hende. Nummernan pa awe: 5, 27, 33 y 41.



Scorpio

Bo ta bin cu ideanan cu lo maraviya tur hende pa bo balentia. No tene miedo di e iniciativanan aki ya cu ora bo ta logra loke bo kier ora bo pone nan funciona. Nummernan pa awe: 6, 11, 25 y 36.



Sagittario

Esaki lo ta un dia di accion hopi significativo. No solamente e lo implica un actitud diferente na loke ta rond di bo, sino lo pone bo riba un caminda nobo. Nummernan pa awe: 2, 12, 29 y 36.



Capricornio

Un sospecha por aleha bo for di felicidad. Ora cu yega na bo horeanan e versionnan exagera di hendenan for di control y emocionalmente instabil, play sordo. Nummernan pa awe: 27, 33, 41 y 48.



Aquario

Luna ta den bo signo opuesto. Bo mente ta claria y bo ta compronde hopi cos. Bo ta hopi cla y intuitivo y loke bo tabata tin ta pasando, ta riba un di dos plan. Nummernan pa awe: 6, 14, 22 y 36.



Pisces

Bo ta tuma control di bo bida sentimental. Bo ta bon auspacia y no lo ta facil pone bo mes memey di situacionnan bergonsoso. Nummernan pa awe: 1, 3, 17 y 18.w



Cas Di Cultura

Vondellaan 2 Aruba
297-582-1010

FADA

Campanastraat 5 Aruba
297-583-2999
297-583-9610

FAVI

Primavera 233 Aruba
297-582-5051
297-582-5222

FEPO

Engelandstraat 15 Aruba
297-583-1016
297-583-6607

Fundacion Hende

Muhe den dificultad
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Ned Rode Kruis

Perdo Gallegostraat 14 Aruba
297-588-3376

Famia Planea (SBVO)

Avenida Milio J Croes 17 B Aruba
297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

A1 Taxi Services Aruba

Italiestraat 50 lokaal 7
Tel: 587-8850

Tel: 280-2828

Whatsapp: 592-7024

E-mail: a1taxiservices.

aruba@hotmail.com

Mobility Equipment Hire

Tel: 568 5165

Dokter na warda



Oranjestad

Hospital
7:00 pm / 10:00 pm

San Nicolas

IMSAN
24 ora

Botica na warda

Oranjestad:

Sta. Cruz Tel. 585 6890

San Nicolas:

Seroe Preto Tel. 584 4833

SERVICIO DI TAXI

Aruba Transfer Tour & Taxi C.A.

Pos Abao #41

P.O.Box 723 Aruba

Tel: 582-2116 / 582-2010

Fax: 583-6988

Taxi Adres Service (24h)

L.G. Smith Blvd. #234

Oranjestad Aruba

Tel: 587-5900

Fax: 587-1928

E-Mail: tas@setarnet.aw



Schedule january 2019

			ARR	DEPT	BERTH
WED	23	CARIBBEAN PRINCESS	07.00	17.00	C
		FREEWINDS	06.00	****	E
THU	24	SERENADE OF THE SEAS	08.00	23.59	C
		CARNIVAL FREEDOM	12.00	22.00	I
		QUEEN VICTORIA	07.00	18.00	B
FRI	25	MSC DIVINA	08.00	18.00	B
		DISNEY WONDER	07.30	17.00	I
		FREEDOM OF THE SEAS	07.30	23.00	C
SAT	26	AIDAperla	08.00	18.00	C
SUN	27	NIEUW STATENDAM	07.00	17.00	C
		FREEWINDS - DEPT.	****	23.15	E
TUE	29	NORWEGIAN DAWN	08.00	20.00	C
		CROWN PRINCESS	08.00	19.00	I
		DISNEY WONDER	07.30	17.00	B

Centrale Bank van Aruba

Daily Exchange Rates - 01/28/2019



CENTRALE BANK VAN ARUBA

Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG1 ⁴	-	-	100.00
USD	1.77	1.78	1.80
CAD	1.32	1.34	1.36
CHF	179.35	180.07	180.87
GBP	2.28	2.33	2.39
JPY	161.28	162.75	164.39
EUR	201.52	203.36	205.40
DKK	26.26	26.98	27.78
NOK	19.89	20.61	21.41
SEK	18.64	19.36	20.16

For amounts up to Afl. 100,000

EMERGENCIA	
911	
POLIS	
Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD	
Setar	117
Web	525-4600
Elmar	523-7147

FUNERARIA	
Aurora	588-6699
Ad Patres	584-2299
Olive Tree	584-8888
Royal Funeral H.	586-4444

Pronostico di Tempo



Tempo:

Parcialmente nubia cu chens pa localmente un awasero pasahero.

Temperatura maximo 30 grado Celsius y temperatura minimo 25 grado Celsius.

Bahada di solo: 6:40pm.
Subida di solo: 7:06am.

Biento:

Modera te basta fuerte for di generalmente direccion oost; Forsa 4 te 5 (20 te 39 km/ora, 11 te 21 nudo)
Den dia fuerte te duro den rafaga;
Forsa 6 te 7 (40 te 61 km/ora, 22 te 33 nudo).

Situacion general di tempo:

Pa proximo 24 ora lo no bay tini cambionan grandi den e weer cu tin actualmente, y cu excepcion di un awasero pasahero, weer seco lo keda prevalece. E diferencianan di presion di aire den Caribe a bira menos. Esaki lo pone biento tambe baha un poco durante proximo dianan.

Condicion di lama:

Olanan di lama lo ta for di direccion oost cu haltura di 4 te localmente 6 pia. E olanan di mas halto lo ta na costanan oost te noordwest di e isla. Ta pidi ocupantenan di boto chikito pa tene cuenta cu esaki.

Inscripcion pa curso di PDG na IPA ta cera dia 1 di februari 2019



ORANJESTAD - E curso di Certificacion Pedagogico Didactico (PDG) ta un curso parcial pa e profesionalnan cu kier ta competente den e profesion di docente of educador. Pa medio di e curso di PDG e profesionalnan por desaroya competencia pedagogico y didactico.

E graduado di PDG por duna un materia na enseñansa profesional y scol secundario. E curso tin un duracion di 2 aña y cada aña ta consisti di 4 blok. E cursista lo haya les dos biaha pa siman na IPA. Banda di esaki lo tin tarea pa

haci na cas, na scol, online y tarea practico. E curso di PDG lo cuminsa fin di augustus 2019.

Tin dos grupo di participante cu por haci e curso di PDG:

1. maestro cu ta trahando 'onbevoegd' den enseñansa secundario e.o. EPI y MAVO.
2. profesionalnan den e.o. empresa, instancia cu tin interres y motivacion pa sa mas di enseñansa y kier traha riba nan conocimiento y habilidad pedagogico didactico.

Pa e grupo di profesionalnan den veld PDG ta un requisito pa drenta sector di enseñansa.

Tur persona cu ta interesa pa haci e curso di PDG por pasa na Studenten Services di IPA entre 8or di mainta cu 12or di merdia y entre 1or cu 3.30 di atardi pa inscribi. Pa por inscribi pa e curso di PDG mester tin diploma minimo di HBO. Bo formacion preparatorio (vooropleiding) mester tin un conexcion cla cu un materia na MAVO, HAVO, VWO, EPI y EPB. Mester trece e papel di registro civil (papel di AWG 5,-), copia di diploma minimo HBO y copia di bo lista di cifra. Tambe mester entrega personalmente e documento di informacion personal, cu por download for di website di IPA.

E ultimo fecha pa inscribi ta dia 1 di februari, despues di e fecha aki no por inscribi. Pa mas informacion por tuma contacto cu Studenten Services na 5243100 of por bishita nos pagina di facebook 'Instituto Pedagogico Arubano' of nos website www.ipaaruba.com.



JANUARY 24 - 30

LOVE YOURSELF
SATURDAY JAN. 26: 2:00 | 5:00 | 8:00

ADRIANA LECOUVRIR
SATURDAY JAN. 26: 1:00PM

KID KING
WITH SPANISH SUBTITLES
MON-THU 4:00 | 6:35 | 9:10
FRI-SUN 1:25 | 4:00 | 6:35 | 9:10

CARGO
MARTIN FREEMAN | ANTHONY HAYES
MON-THU 4:30
FRI-SUN 2:00 | 4:30

SERENITY
MATTHEW MCCONAUGHEY | ANNE HATHAWAY
MON-THU 4:45 | 7:05 | 9:25
FRI-SAT 2:25 | 4:45 | 7:05 | 9:25
SUN 2:25 | 4:45 | 7:05 | 9:25

BON BINI HOLLAND 2
JANDINO ASPORAAT | LILIANA DE VRIES
DUTCH
MON-THU 5:20 | 7:25 | 9:30
FRI-SAT 1:10 | 3:15 | 5:20 | 7:25 | 9:30
SUN 1:10 | 3:15 | 5:20 | 7:25 | 9:30

the upside
BRYAN CRANSTON | KEVIN HART
WITH SPANISH SUBTITLES
MON-THU 5:20 | 8:00
FRI-SAT 2:40 | 5:20 | 8:00 | 10:40
SUN 2:40 | 5:20 | 8:00

A DOG'S WAY HOME
BRYCE DALLAS HOWARD | ASHLEY JUDD
MON-THU 4:30 | 6:45
FRI & SUN 2:15 | 4:30 | 6:45

GLASS
BRUCE WILLIS | SAMUEL L. JACKSON
WITH SPANISH SUBTITLES
MON-THU 3:45 | 6:25 | 9:05
FRI-SUN 1:05 | 3:45 | 6:25 | 9:05

AQUAMAN
JASON MOMOJA | AMBER HEARD
WITH SPANISH SUBTITLES
MON-THU & SUN 9:00

OPENING JANUARY 31: MISS BALA

Palm Beach Plaza Aruba | 586.0074 | THE MAGIC OF THE MOVIES ON YOUR MOBILE DEVICE

Ana Gabriel riba nos isla como regalo pa Dia di Mama



ORANJESTAD - Despues di 25 aña, un de artistanan femenino mas cotisa den e mundo di musica ta bolbe Aruba! Despues di mas di un aña di negociacionnan extenso cu e gran artista aki, promotornan tin e grato placer di anuncia cu e ta oficial! Ana Gabriel a scoge Aruba como parti di su gira y lo ta riba nos isla pa duna un regalo na tur e mamanan di Aruba dia 11 di mei proximo den un

concierto sin igual.

Ana Gabriel ta conoci pa ta un artista di taya y awor ta honra Aruba cu su bishita. Durante e concierto aki lo por spera presencia di su banda completo y tambe su mariachi. E anochi aki ta premira di bira algo unico cu Aruba henter no por perde. Un concierto unico, combina cu artistanan local pa asina haci e anochi aki uno inigualabel riba dia di mama. Banda di e anuncio

oficial di e concierto di Ana Gabriel, na mes momento ta anuncia cu pronto lo por conta cu apertura di su pop-up store na unda cu un y tur lo por pasa y cumpra diferente articulo relaciona cu e magno artista aki. Na e momentonan aki, ultimo negociacionnan ta tumando luga pa loke ta trata e localidad di concierto y pronto lo duna tur demas informe necesario pa loke ta trata esaki, loke cu si ya caba por segura ta cu esaki lo tuma luga na Oranjestad. Mientrastanto ya caba por yama y haci reservacion di bo mesa VIP na 5686283 of manda un whatsapp na 5999 510 7000 y pronto lo anuncia benta di entrada general. Ta invita pueblo di Aruba henter pa responde na grandi na e concierto di e gran artista aki cu despues di 25 aña ta regresa nos isla pa un solo anochi!. E acogida den comunidad ya caba ta superando tur expectativa, p'esey reserve bo luga na tempo y pasa un dia di mama unico!

Toshiba cu robot pa investiga combustibel nuclear na Fukushima



YOKOHAMA, Hapon (AP) — Toshiba Corp. a revela un robot cu control remoto ayera, cu nan ta spera lo por investiga paden di un di e tres reactornan daña pa tsunami, na e planta nuclear Fukushima na Hapon, y gara pida altamente radioactivo di fuel cu a smelt.

E aparato ta diseña pa slide down un tuberia di 11 meter cu por wordo extendi, y toca e fuel cu a smelt paden di e recipiente di contencion principal di Unidad 2. E reactor a wordo construi pa Toshiba y GE.

Un investigacion anterior uzando camara a captura imagennan di pida di fuel

smelt den e reactor aña pasa, y investigacion robotico di e otro dos reactornan a detecta rastro di fuel daña, pero e sitio exacto, contenido, y otro detayenan ta permanece desconoci.

E unidad di sistema di energia di Toshiba a bisa cu experimentonan cu e aparato nobo, planea pa februari, ta clave pa determina e ekipo y tecnologia apropiada pa por retira debris di fuel, cual ta e parti mas dificil di e proceso di desmantelacion, cual ta spera lo dura decadanan.

E tres reactor na e planta di Fukushima a sufri smelt den nan centro despues di un terremoto y tsunami masivo na 2011 a daña e sistemanan di friamento.

Den e investigacion di aña pasa, un camara desaroya pa

Toshiba Energy Systems & Solutions Corp. y e International Research Institute for Nuclear Decommissioning a haya cantidadnan grandi di depositonan den e area ey, incluyendo partinan cu ta parce manera piedra chikito, of grava.

E robot revela ayera, 30cm di largo, lo transporta un dosimeter di radiacion, thermometer, luz LED, un camara, y un par di pinzas mientras e ta descende poco poco for di un tubo. E pinzas lo descende na e fondo di e pedestal di e recipiente, un estructura directamente bou di e centro for di unda e fuel smelt a cay.

Toshiba tin plan di uza e aparato nobo pa toca y tene e depositonan cu e pinzas, cual lo por gara un pida di como 8cm, cu peso di 2kg, pa investiga su dureza y otro de-

tayenan, segun Jun Suzuki, un manager di Toshiba ESS Group pa e proyecto.

“Te awo, nos a wak e depositonan ey so, y nos mester sa si nan lo kibra den pida y por wordo gara y saca”, Suzuki a bisa. “Toca e depositonan ta importante pa nos por haci plan pa tuma muestra di e depositonan, cual ta un paso clave.”

E investigacion principalmente lo examina e condicion fisico di e fuel na luga di su componentenan radioactivo of otro detayenan, cual ta rekeri muestranan y almacenamiento sigur.

TEPCO y oficialnan gubernamental tin plan di determina metodonan pa retira e fuel cu a smelt di cada un di e tres reactornan e aña aki, pa asina nan por cuminsa e proceso na 2021.

NASA Curiosity rover ta saca un selfie na Mars


(CNET) – Curiosity ta sigui si caminda. E rover di Mars di NASA tabata den residencia na un luga yama Vera Rubin Ridge pa mas cu un aña, pero awo e ta cla pa sigui investiga un region emocionante y nobo di e planeta cora. Prome cu esey, sinembargo, el a pose pa un potret.

E rover a tuma un tiki tempo dia 15 di januari pa saca e 57 imagennan necesario pa genera e selfie en cuestion. E imagen compuesto ta muestra e rover, sano y salvo. Bo por mira un tiki di e daño na e wiel cu NASA ta monitor, pero e buracan y crack no ta spera di baha velocidad di e mashin.

E selfie ta muestra un horizonte yena cu stof, danki na un tormenta local. Tambe por mira un buraco chikito di drill na e banda links di e rover.

Curiosity awo ta bayendo na un ‘unidad di klei’ sur di e Vera Rubin Ridge. E ekipo di rover ta instruyendo Curiosity pa bay den un serie di drive cortico, mientras e ta busca e punto di transicion entre e ridge y e area di klei.

“Mineralnan den e klei den e unidad aki, lo por tin mas pista tocante e lagonan antiguo cu a yuda forma e nivelnan abou riba Mount Sharp”, NASA a bisa. Esaki ta e cuminsamento di un capitulo nobo y emocionante den e biahe di Curiosity.



Pepsi, Nestle y otronan lo test subscripcion di empake reusable



(The Verge) - Pepsi, Unilever, y Nestle tin plan pa cuminsa ofrece nan productonan mediante un sistema di entrega di subscripcion cu un twist clave: e empakenan lo ta reusable.

E servicio, yama Loop, lo lanza cu 25 socio di nomber conoci, y ta spera di destaca mediante ofrece un opcion mas sano pa medio ambiente cu su plan di suscripcion.

Loop ta compara su servicio na esun di e lechero. Mesun forma cu e lechero tabata entrega lechi fresco, y despues tabata pasa busca e boternan despues cu hende a consumi e contenido, Loop lo tin chauffeur di UPS entrega un saco reusable cu varios producto den dje. Unabes nan a wordo uza, e consumidonan por pidi pa e containernan uza wordo busca bek, y pa

trece containernan nobo. Loop lo mancha e aspecto di limpiesa y reuzo di e empake. E servicio lo mester lanza na partinan di Paris, New York, New Jersey y Pennsylvania na mediadonan di mey. Loop tambe tin plan pa prepara entrega pa London mediante Tesco e aña aki, y tin como meta pa lanza na Tokyo na 2020. Pa awo, e ta cuminsando cu un test chikito di usuarianan.

Cada marca a diseña nan propio empake pa uza cu Loop, pa asina tene nan mes na e imagen di e compania, mientras e empake ta reusable. Al-

gun productonan di Unilever ta spera di dura ocho aña, segun e Wall Street Journal.

E productonan lo costa casi igual cu e containernan di uzo unico, pero hende lo mester paga un deposito di e container entre \$1 y \$10, y entrega lo cuminsa na \$20, pero ta baha cu cada producto cu ta pidi.

Ta un bunita idea, cu ta fit cu e empuhe pa stop di uza plastic desechable. Si e servicio ta conveniente, lihe, y no hopi caro, por spera cu hende lo haci uzo di dje pa e bon di nos planeta.

Gobierno ta conseha pa no bay Venezuela si no tin nada di haci eynan



ORANJESTAD – Gobierno di Aruba ta preocupa cu e situacion cu Venezuela ta confrontando na e momentonan aki y esaki tin atencion di gobierno desde cu e problemanan di nos pais bisiña a cuminsa escala.

Prome Minister Evelyn Wever-Croes a duna di conoce cu e gobierno ta siguiendo e desaroyonan di cerca y nos ta den estado di alerta pa cualkier eventualidad cu por tuma luga. Aki tin varios puntonan pa cua Aruba ta den estado di alerta.

-Gobierno na e momentonan aki ta mas alerta y atento riba nos fronteranan.

-Nos ta den estado di alerta riba e impacto internacional

y e posicion di Hulanda den e asuntonan aki.

-E vuelonan entre Aruba y Venezuela tambe ta un motibo di preocupacion cu ta pone nos den estado di alerta. Nos no kier e situacion na unda fronteranan mester wordo cera y Arubananan keda pega na Venezuela. Prome minister a indica cu e conseho di biahe di Reino ta pa no bay Venezuela si no tin nada di haci eynan. Na e momentonan aki, Venezuela no ta un luga pa pasa vakantie. Ainda no tin prohibicion pero e conseho di Reino ta pa evita di bay Venezuela.

-E di cuarto punto preocupante ta e tema di evacuacion di nos hendenan. Esaki ta algo cu Aruba so no por haci.

Esaki ta un plan cu mester wordo haci riba tereno di Reino cu lo tuma su tempo. Pa e motibo aki tambe, desde aña pasa a haci apelacion na tur esunnan cu ta biaha pa Venezuela, pa nan registra na embahada Hulandes na Caracas. Especialmente Arubananan cu ta biba na Venezuela, pa nan registra na e embahada pa si acaso e situacion yega asina leu cu mester evacua, nos hendenan ta riba e lista registra.

Prome Minister a enfatisa cu loke cu ta sosodiendo na Venezuela ta pone cu tur luz di alerta ta cende poniendo Aruba den estado di alerta siendo nos un pais hopi cerca di Venezuela.

Entrega di preservativo na domicilio bon tuma y acepta den comunidad

ORAJESTAD – Fundacion Famia Plania tin e servicio pa entrega condom of preservativo na domicilio. Aunke un sorto di iniciativa asina tabata genera den pasado cierto reaccion di e sector conservador y tradicional di nos comunidad, aworaki e mentalidad ta mas habri. E servicio aki no solamente a wordo bon tuma, te awor ainda e ta bon acepta tambe.

E servicio innovativo aki – segun Jonnathan Trinidad di Famia Plania– a haya su acogida. E por bisa cu e servicio aki a wordo lansa na augustus di aña pasa, y te aworaki nan por wak cu acogida di e servicio aki ta grandi. E acogida aki no ta bin di nos poblacion jong so, sino cerca personanan adulto cu ta haci uzo di e servicio aki. E tin un gasto extra di Afl 2.50.- pa deliver e preservativo. Actualmente nan tin un oficina situa na Oranjestad, pero e no ta suficientemente cerca pa hopi hende cu lo desea di haci uzo di nan servicio. P'esey a dicidi di trece un cambio dilanti, pa asina yega na e personanan cu tin mester di nan. Un motibo tambe tin di haber cu fundacion Famia Plania su orario di servicio ta entre 8am pa 4pm; y tin biaha e hendenan no por yega cerca nan pa busca e productonan. Encuanto e campaña di departamento di Salud Publico (DVG) riba uzo di condom den cuadro di carnaval 65, caminda e hende muhe y no e hende homber ta esun cu

ta carga e preservativo aki, ta uno innovativo tambe. Trinidad a bisa cu tanto hende homber como hende muhe ta consciente tocante importancia di uzo di condom pa preveni malesa transmiti sexualmente y evita embaraso no desea.

Pa añanan largo, organisacionnan internacional a pone atencion pa hende homber ta esun cu mester carg'e semper; nan a dicidi di bin cu un cambio. E cambio aki tin di haber pa e hende muhe tambe por hunga un rol di responsabilidad pa tuma e decision aki. E ta haya cu antes, e hende muhe su mentalidad tabata cu e condom ta pa uzo di hende homber, y e ta esun cu mester percura p'e. Pero e mentalidad aki a cambia, ya cu si e momento yega cu e hende homber a lubida carga cu e preservativo, pa asina ey tin e dobel proteccion contra malesa of embaraso no plania. P'esey den e temporada di carnaval aki nan a haci pa e hende muhe trece e mensahe, pa no laga e asunto aki 'den man di hende homber so.'

E ta haya cu e cultura 'machista Caribense', cu hende muhe ta esun cu ta carga e bariga, y cu ta hende muhe esun cu mester cuida su mes, ya cu hende homber ta liber di cualkier responsabilidad, esaki ta cambiando. E organisacionnan cu ta trahando riba e tereno aki ta purba semper di motiva y conscientisa pa e responsabilidad di un relacion sexual ta algo den dos, y no den un persona so.



amc unicon

pa biba mihor



**Jump Up
Cash Back!**

AFL. **500,-** CASH!
GANAN TUR
SIMAN!

CASH OR
CREDIT

PARTICIPA CU CADA COMPRA RIBA CREDIT OF CADA COMPRA CASH DI AFL.250,- OF MAS

PA TEMPO LIMITA!

%

**DOWN
PAYMENT**

Pa Credit bin cu ID Valido, 2 ultimo payslip, recibo di Elmar, Setar y WEB. Credit Prijs ta basa riba credito di 24 luna despues di 10% downpayment. * Tanten cu tin den stock.